



Wantok

Oi Wina bilong Wantok
Ridasip Seve 2014

Namba 2072 Me 22 - 28, 2014 28 pes

Niuspepa Bilong Yumi Ol PNG Stret!

K1 tasol

NAMBA 8 DRO

1. Joseph Gaman (Morobe)
2. David Anjo (Enga)
3. Logea Virobo (Central)

BAIM PNG MADE NA KAMAPIM MOA WOK

Tok lukaut long ol T.H.E Pati MP

- 14 memba bilong pati i stap yet: Polye
- 4-pela i stap yet long pati: Gelu
- Io i ken mekim save long ol pati memba: T.H.E Pati

Stanley Nondol i raitim

BIKPELA tok lukaut i go long ol memba bilong T.H.E Pati olsem pati kaunsel bai riferim ol i go long Ombusmen Komisn long mekim save long ol aninit long li-dasip kod sapos ol i no bihainim risolusen o lo bilong pat, i na i laik muv long laik bilong ol long joinim ol narapela politikel pati.

T.H.E Pati long aste i tokaut olsem memba bilong ijivitari David Arore, Minista bilong Haia Edukesen Delilah Gore, Minista bilong Fores, Douglas Tomuriesa na Minista bilong Leba, Benjamin Poponawa i stap yet olsem memba bilong T.H.E Pati.

Oi 4 pela memba i tokaut olsem ol i risain long T.H.E Pati long dispela wik Tunde, na ol i painim ol pati long joinim.

T.H.E Pati eksekutiv i tok, ol dispela 4-pela memba i memba bilong pati yet, maski ol i laikim o nogat. Pati bai nonap larim ol i go joinim ol narapela pati, na dispela em i rait long Ogenik Lo bilong Politikel Pati na Kandidet (OLIPAC)

Rejistra bilong Politikel Pati, Dokta Alphonse Gelu i tok opis bilong em i no gat pawa o rait long tok yes o no long ol 4-pela memba bilong T.H.E Pati husat i tok ol i lusim pati long gu-pela bilong kantri na joinim narapela pati.

I go moa long pes 3



Dispela Wantoknius file poto i soim ol T.H.E. Pati memba i stap wantaim long lonsim Pati long Pot Mosbi long 2012. Mark Maipakai, Douglas Tomuriesa na Don Polye.

Insait:

300 Pablik Sevan kisim pinis pe - P2

Chan laik senisim maining ekt - P4

Polis opisa ritaia long Goroka- P7

Stet ov Orijin gem wan lainap - P26

STET OV ORIJIN PROMOSEN

QUEENSLAND STATE OF ORIGIN XXXX

OR

OX & PALM CORNED BEEF

OR

OX & PALM CORNED BEEF

GEM STAT LONG SARERE 5 EPRIL 2014, NA PINIS LONG FRAIDE 23 MAY 2014. BIKPELA DRO LONG TV EM LONG MANDE 26 MAY 2014

O' Neill tok gavman i sapotim LLG

PRAIM Minista bilong Papua Niugini, Peter O'Neill, i amamas long lukim ol lida bilong ol lokal level gavman (LLG) bilong ol Pasifik ailan kantri i kam long Papua Niugini long namba tri Pasifik Lokal Gavman Forum (PLGF).

Praim Minista O'Neill i tok olsem em i gat strongpela tingting olsem dispela PLGF bai helpim ol dispela lida long kamapim ol gutpela rot long strongim ol LLG insait long Pasifik rijon.

Em i tok bihain long Papua Niugini i kisim independens long 1975, sistem bilong LLG insait long kantri i no bin ran gut tumas, na planti kain kain asua i save kamap.

Wanpela as bilong dispela em bikos ol LLG opisal i no save kisim gutpela pe long wok bilong ol.

Tasol nau, Praim Minista O' Neill i tok em i amamas long wanem samting gavman bilong em i wokim long dispela yia long strongim ol LLG.

Em i tok olsem dispela yia em namba wan taim long histori bilong Papua Niugini long gavman i givim mani i go stret long ol LLG. Wan wan LLG insait long kantri i bin kisim K500, 000 long mekim ol wok bilong ol.

Dairek fanding aninit long gavman bilong em i no bin go long ol LLG tasol, nogat, ol distrik level gavman i bin kisim mani bilong ol tu long mekim wok bilong ol.

Em i tok gavman bilong em i laik serim mani na pawa wantaim olgeta level bilong gavman bikos ol i bilip olsem sapos ol i no serim, ol dispela arapela level bilong

gavman bai no inap long ran gut.

"Planti taim yumi save putim bikipela tingting bilong yumi long nesenel gavman tasol long bringim helt, edukesen, na ol arapela sevis i go long grasrut level, na yumi i no save lukluk long provinsal na lokal gavman. Dispela em i no stret, na bai no inap long helpim yumi," Praim Minista O'Neill i tok.

Mista O' Neill i tok gavman bilong em bai go het wantaim wok long serim mani na pawa, na tu, lukim olsem ol opisal bilong LLG, na tu, provinsal gavman i kisim gutpela trening na mekim wok stret.

Em i tok olsem i gat planti salens i stap long rot tasol gavman bilong em bai wok strong long abrusim ol dispela salens.



Praim Minista Peter O' Neill wantaim olgeta senia opisal bilong ol gavman insait long Pasifik rijon. Ol dispela lida i toktok moa long ol rot bilong strongim ol lokal level gavman (LLG) insait long rijon.

Lombrum i no pemanen asailam senta

Stanley Nondol i raitim

MINISTA bilong Foren Afeas, Rimbink Pato i tokaut olsem PNG Difens Fos bes long Lombrum long Manus provins i no inap kamap pemanen senta bilong ol asailam sika.

Minista Pato i tok as tingting bilong putim ol asailam sika long Manus i no long mekim Lombrum i kamap pemanen senta bilong ol asailam sika. Em i tok gavman bilong PNG na Australia wantaim i no gat dispela tingting.

Mista Pato i mekim dispela tok long palamen las wik long tok kliia olsem sapos gavman i painimaut olsem ol asailam sika i no trupela refuji, Australia gavman bai salim ol i go bek long kantri bilong ol.

Sapos ol i trupela refuji na

i les long stap long PNG, em i stap wantaim Australia gavman long lukluk long hevi bilong ol.

Mista Pato i mekim dispela toktok bihain long Gavana bilong Manus Charlie Benjamin i askim em bilong wanem na ol sekyuriti opisa long Lombrum i no ol PNG Difens Fos soldia.

Mista Benjamin i tok ol sekyuriti long Manus i no PNG soldia. Em i tok i gat sampela wok developmen i kamap long hap na i luk olsem ol i laik kamampim narapela kem long namel long Lombrum.

Mista Benjamin i tok em i harim olsem bai i gat narapela bes i kamap long Lombrum. Em i tok olgeta graun long Lombrum em ol Australia i kisim .

Em i tok taim Australia na PNG gavman i sainim agri-

men, Lombrum em bai temporeri senta bilong ol asailam sika.

Mista Benjamin i tok ol asailam sika bai stap long Lombrum long sotpela taim tasol na bilong wanem Australia i kisim ol graun long Lombrum na mekim ol developmen.

Em i tok dispela pasin i daunim gutpela tingting bilong PNG Difens fos.

Mista Benjamin i askim sapos gavman i laik sensim Lombrum i go long pemanen senta bilong asailam sika. Em i askim tu sapos Australia gavman i laik kamampim wanpela nevi bes long Lombrum.

Mista Benjamin i laikm Minista Pato long tok kliia bikos dispela i no stap long agrimen bilong asailam sika.

Aninit long agrimen, bai i gat riviu bihain long olgeta 12-pela mun.

Moa long 300 pablik sevan bai kisim pinis pe

Stanley Nondol i raitim

MINISTA bilong Pablik Sevis Sir Puka Temu i tokaut olsem 418 pablik sevan i wetim pinis pe bilong ol long ritrensmen tasol 317 bai kisim pinis pe bilong ol long pinis bilong mun Jun.

Mista Temu i tokaut las wik long palamen olsem long 2013 gavman i baim 258 pablik sevan pinis pe long mak bilong K10.3 milien. Em i tok dipatmen bilong em i askim long K30 milien long baim pinis mani tasol gavman i givim K10 milien tasol.

Mista Temu i tokaut olsem gavman i givim K50 milien long 2014 baset long baim pinis pe bilong ol ritrensmen pablik sevan.

Na em i singaut long ol gavana husat i laik pinism ol olupela pablik sevan long

provins long ol i mas wok bung wantaim ol provinsal edministreta long stretim rekot bilong ol opisa na givim i kam long Dipatmen bilong Pablik Sevis.

Sir Puka i tok i gat 418 pablik sevan husat inap long pinis long wok i stap yet na gavman bai lukluk long stretim ol long 2014.

Ol provins bai kisim pinis mani bilong ol pablik sevan long dispela yia em, Madang 83, Laloki 83, Isten Hailans 3, Manus 12, Simbu 30, na Morobe 14.

Ol dispela provins i bihainim stret rot bilong baim pinis mani na Pablik Sevis dipatmen i givim tokorait pinis long ol i kisim dispela man long pinis bilong mun Jun.

Long lista bilong bilong Dipatmen bilong Pablik Sevis Wes Nu Briten i gat 34.

Sir Puka i tok Madang na

Atonomas Rijon bilong Bogenvil i givim pepa wok bilong provins tupela wik i go pinis.

Ol arapela provins em Kundiawa haus sik i gat 3, Westen Hailans provinsal haus sik i gat 20, Modillon haus sik 12, Vanimo haus sik 7.

Mista Temu i tok Vanimo haus sik bai kisim namba wan pe bilong ol 7-pela pablik sevan.

Milen Be i gat 9, Westen Hailans provinsal gavman i gat 18, Milen Be provinsal haus sik 9, Madang Provinsal edministresen 83.

Minista Temu i tok Madang i pinism olgeta pepa wok na ol 83 pablik seva bai kisim pinis mani.

Minista Temu i tok i gat 318 nupela pablik savan i stap long lista bilong ritrensmen ol bai ol i pinis long wok.

Mosbi bai kamap olsem rijonal kapital bilong Pasifik

Isaac Liri i raitim

TUDE long Pot Mosbi, planti bikipela infrastraksa developmen i wok long kamap, na Nesenel Gavman i yusim mani mak inap long K1.3 bilien long kamapim ol dispela developmen projek insait long siti.

Dispela em tok bilong Gavana bilong Nesenel Kapital Distrik (NCD), Powes Parkop, long opening seremoni bilong namba tri Pasifik Lokal Gavman Forum long dispela wik.

Long dispela opening seremoni, Gavana Parkop i tok welkam long ol deligesen husat i kam long ol arapela kantri long Pasifik. Em i tokim ol long dispela bung olsem astingting bilong em olsem gavana em long mekim Pot Mosbi i kamap olsem rijonal kapital bilong Pasifik, we olgeta pipel bilong ol Pasifik Ailan Kantri i ken kisim helpim long sait bilong ikonomi, sosel na politik.

Gavana Parkop i tok olsem em i laikim ol long lukluk raun long Pot Mosbi na lukim ol bikipela developmen projek we i wok long kamap. Na taim ol i go bek long ples bilong ol, ol i ken tokim ol pipel bilong ol olsem Pot Mosbi i redi long kamap

olsem wanpela siti we i ken bringim planti gutpela sevis long ol pipel bilong Papua Niugini na Pasifik Rijon.

Tupela bikipela kibung we bai kamap long 2015 na 2018, em Pasifik Gems, na APEC bung bilong ol lida.

Em i tok olsem em i wanpela bikipela salens long mekim Pot Mosbi i redi long ol dispela bikipela bung, tasol em i gat strongpela tingting olsem olgeta wok i ran gut. Long sait bilong ol salens we Pot Mosbi i save bungim, Gavana Parkop i tok olsem em na NCD edministresen i wok strong yet long daunim ol hevi we i save kamap.

Em i tok olsem em i no isi long daunim ol salens, long wanem, Papua Niugini i gat planti tokples na kalsa, na em i hat wok tru long bungim ol manmeri long stap gut insait long ol wan wan komyuniti bilong ol.

"Tasol taim kantri i kisim independens long 1975 i kam inap long nau, Papua Niugini i stap strong wantaim ol 800 tokples na kalsa grup, na Papua Niugini bai go het long stap strong, Gavana Parkop i tok.



(L-R) Gavana bilong NCD, Powes Parkop, Deputi Praim Minista bilong Papua Niugini, Leo Dion, na Praim Minista bilong Tuvalu, Enele Sopoaga i sanap long opening seremoni bilong Pasifik Lokal Gavman Forum. Long dispela taim, Gavana Parkop i bin givim tok bilong en long Mosbi olsem rijonal kapital bilong Pasifik. Poto Nicky Bernard.

LLG em bikpela samting

Isaac Liri i raitim

PRAIM Minista bilong Tuvalu, Enele Sopoaga, i bin toktok long gutpela bilong ol lokal level gavman (LLG) long Pasifik, na tu, long olgeta Komonwelt kantri long wol.

Mista Sopoaga i bin mekim ol dispela tok long opening seremoni bilong Pasifik Lokal Gavman Foram (PLGF) long dispela wik long Pot Mosbi.

Em i tok olsem planti taim, yumi save lus tingting long ol LLG, na taim yumi lustingting long dispela level, planti bikpela bagarap i save kamap long ol ples bilong yumi long Pasifik.

“Praim Minista Sopoaga i tok planti liklik ailan kantri long Pasifik i save painim hat tru long develop gut taim LLG i no stap stret, na long dispela as, LLG em i wanpela bikpela samting long olgeta gavman bilong ol kantri long Pasifik, na tu, long ol Komonwelt kantri.

Planti kantri long Pasifik i save kam bihain long sait bilong developmen, na yumi mas askim yumi yet long wanem as tru na i olsem,”



Praim Minista bilong Tuvalu i toktok long gutpela bilong Lokal Level Gavman long Pasifik Poto Nicky Bernard.

Mista Sopoaga i tok.

Em i tok ol polisi bilong ol LLG i save wok klostu tru wantaim ol pipel long grasrut level, na pawa bilong ol lida o politisen i save stap wantaim ol grasrut pipel.

Bipo long Mista Sopoaga i kam long Papua Niugini long toktok long dispela bikpela bung, PLGF, em i tok olsem em i bin go raun lukluk long olgeta liklik ailan long kantri bilong em long Tuvalu.

I kam long pes 1

Tok lukaut long ol T.H.E Pati MP

Dokta Gelu i tok klia olsem ol 3 pela minista na wanpela memba i stap yet olsem ol memba bilong T.H.E Pati.

Em i tok opis bilong em i wok aninit long OLIPAC lo long givim ol edvais long stretim ol politikel pati long stap strong na i no bilong mekim disisen long wanem pati ol bai joinim.

Bipo minista na lida bilong T.H.E Pati, Don Polye i tok em i stap yet olsem lida bilong pati, na i tok Gore, Arore, Tomuriesa na Poponawa i memba bilong pati.

Mista Polye i tok T.H.E Pati bilong em i gat gutpela nem long winim ileksen, na pati nonap larim ol memba i go kam long narapela pati olsem ol meri i save maritim planti man.

Em i tok OLIPAC lo i banisim konstitusen na resolusen bilong pati, na sapos ol memba i no bihain lo bilong pati, bai pati i ken salim komplem i go long Ombusmen Komisin long mekim save long ol aninit long lo.

Em i tokaut pati bilong em i gat 14- pela memba na nogat wanpela i go aut na bai i no nap joinim narapela pati inap long 3-pela mun

bipo long 2017 nesanel ileksen.

Mista Polye i tok pati long palamentri kokas o bung i tok olsem Polye i lida bilong pati na i tokaut olsem I i stap olsem memba bilong pati.

Ol insait lain bilong gavman i tok PNC pati bilong Praim Minista, Peter O'Neill, i gat inap namba long ranim gavman na i no nidim T.H.E Pati long stap insait long kolisin gavman.

Insait man i tok ol 4-pela memba bilong T.H.E Pati i tokaut long posisen bilong ol bihian long senis i laik kamap long ol wok ministri na ol i pret.

PNC pati i gat moa long 50 memba na i nidim tripela memba tasol long kamapim singel meyoriti long ruling gavman.

Ol i no nidim T.H.E Pati na ol senia memba bilong T.H.E Pati i laikim sia bilong Deputi Praim Minista we T.H.E Pati NGI lida, Leo Dion i holim.

Tasol Praim Minista Peter O'Neill i tok Leo Dion bai stap namba tu bilong em inap long 2017 ileksen.

Tasol dispela em PNG politiks na senis i ken kamap long laik bilong praem min-



KALA BILONG PASIFIK: Ol lain i kam long namba tri Pasifik Lokal Gavman Forum i toktok long ol planti salens we ol i save bungim long ol LLG bilong ol. Poto Nicky Bernard.

Are you an SME looking to grow?

A BSP Smart Business Loan helps you build your pathway to success.

Smart Business Loan

- ✓ 100% loan financing
- ✓ No monthly fees
- ✓ Flexible interest rates
- ✓ No equity requirement

A pathway to **grow. business**

For more information

320 12 2 / 7030 1212 - 24/7

servicebsp@bsp.com.pg

www.bsp.com.pg



BSP



Official Sponsor of the 2015 Pacific Games

Gavman bai rausim loging pemit bilong kampani i brukim lo

■ Gavman bai stpoim ekspot bilong log

Stanley Nondol i raitim

MINISTA bilong Forest Douglas Tomuriesa i tokaut olsem i gat planti iligel timba i kamap long kantri na planti i save brukim lo na mekim bisnis.

Mista Tomuriesa i tok ol outsait kampani i mas bihainim ol lo bilong kantri na i

no ken abrusim. Em i tok sapos gavman i painim olsem ol i brukim lo bai ol i kisim taim.


Minista i tok planit paul pasin i wok long kamap long kantri long timba bisnis long planti hap. Em i tok dipatmen bilong em i statim pinis sampela wok painimaut na klostu bai ol i mekim save long ol sampela ausait kampani i save brukim lo.

Em i tok ol dispela kampani bai gavman i no inap long givim pemit gen long mekim bisnis na bai rausim ol long kantri.

Mista Tomuriesa i mekim dispela toktok taim memba bilong Manus i tokaut long palamen long wanpela kampani i gat timba bisnis long Manus.

Mista Knight i tok dispela

■ Planti loging kamapni i no bihainim lo



kampani i no kisim tok orait

bilong provinsal gavman na ol komyuniti long Manus tasol i wok bisnis stap.

Mista Philip i tok i tru planti kampani i no save bungim komyuniti obligesen bilong ol taim ol i kisim tok orait long mekim bisnis.

Em i tok gavman bai no inap givim FMA, FCA na pemit sapos wok painim bilong dipatmen i painim ol i

asua.

Minista bilong Fores tu i tok planti kampani bilong fores i save givim mani na ol samting long ol wokman bilong Fores Dipatmen na kamap pren wantaim ol. Dispela i mekim hatwok long ol wokman i mekim wok painim long stretpela rot long ol iligel kampani bai kisim taim.

Planti lukim piksa nogut: Amaiu

-Ol singel mama i pulap long kantri -planti pikinini nogat papa

Stanley Nondol i raitim

BIKPELA tokotk kamap long palamen long dispela wik olsem ol mobail pon na intanet teknologi i opim rot bilong wol getwe na planti ol skul pikinini na yangpela boi na gel i lukim piksa nogut. Dispela i ken bagarapim tingting bilong ol na i ken kamapim ol hevi bilong sosel isu.

Memba bilong Mosbi Not ist, Labi Amaiu i tok infomesen na Komyunikesen teknologi em i gutpeladivopmen long kantri bai save long wol. Tasol em i tok olsem wanem long ol manmeri i save yusim dispela teknologi long go insait long intanet na lukim piksa nogut.

Mista Amaiu i tok planti ol skul pikinini na tu ol yangpela i olim mobail na presim baten tasol na ol i lukim piksa nogut long han bilong

ol.

Mista Amaiu i tok tai mol yangpela pikinini i lukim piksa nogat ol i bagarapim tingting bilong ol na ol i pundaun long ol pasin nogut na ol i kamapim ol hevi olsem ol gel i kisim bel long yangpela taim bilong ol.

Em i askim minista bilong Komyunikesen, Jimi Mirintongo sapos gavman i gat sampela plen long stopm kantri long noken yusim ol teknologi we bai bagaraim yangpela.

Em i tok dispela hevi i akamap bikpela long kantri na gavman i mas kamapim sampela senis long infomesen na Komyunikesen Lo long kontrolim o stopim ol manmeri long yusim intanet na lukim piksa nogat.

Mista Mirintongo i tok dipatmen bilong em wok yet i stap long ol sampela lo na polisi long kontrolim ol dispelahevi.

Em i tok gavman bai kamapim lo long kontrolim SIM kad. Em i tok olgeta SIM kat bai gat registresen. Dispela lo bai klostu i kamap long palamen long palamen i votim kamap lo.

Wankain taim memba bilong Kandrian Glouster Joseph Lelang i tok planti ol yangpelanau i gat bikpela hevi.

Mista lenang i tok hevi bilong ol yangpela meri kisim bel i kamap bikpela. Na kantri i gat planti ol single mama na laip bilong ol i hat tumas long lukautim ol pikinini.

Mista Lelang i tok dispela ol i hevi i kamapplanti long ol skul bikos ol sampela bikpela gel na boi i save grisim ol liklik long ol kainkain pasin i no stret.

Em i singaut long gavman long putim gred 10, 11 na 12 long narapela skul na gred 8,9,10 long narapela skul.

No gat gutpela databases bilong kantri

Stanley Nondol i raitim

MEMBA bilong Kundiawa, Tobias Kulang i tok kantri i no gat gutpela infomesen databases bilong ol sitisen na ol infomesen gavman i yusim em bilong 2006 na i olupela tumas.

Mista Kulang i tok infomesen bilong ol sitisen em impoten bikos gavman na ol arapela divelopa long ausait i ken yusim dispela infomesen long plenim na mekim divelopmen.

Mista Kulang i tok Nesenel Stetstiks Opis (NSO) i no wok gut na em i singaut long Nesenel Plening Minista Charles Abel long stretim infomesen sistem bilong NSO.

Mista Kulang i tok NSO em wanpela impoten dipatmen bikos wok bilong long stretim olgeta data bilong olgeta sitisen na tu ol arapela olsem CPI NA GDP na ol arapela tasol gavman i wok long yusim data bilong 2006.

Mista Kulang i askim Minista Abel long tokim palamen wanem samting Nesenel Plening dipatmen i mekim

long stretim ol data na infomesen sistem bilong NSO.

Mista Abel i tok em i tru NSO i yusim olupela data na planti ol infomesen olsem GDP na CPI bilong kantri i no stret.

Mista Abel i tok long luk-save long GDP na CPI bilong kantri, infomesen na databases bilong NSO i mas stap stret.

Em i tok planti samting i no stret na gavman i wok long stretim i stap.

Minista Abel i tok sampela samting long NSO databases na infomesen sistem gavman i mekim long helpim long stretim em E iD, sivil rejisteri.

Em i tok gavman i stretim ol infomesen pinis bilong populesen sensus long 2011 tasol planti data i no stret.


Mista Abel i tokaut olsem Intanesenel Monetari Fan (IMF) na gavman i sainim pinis agrimen na wok i kamap long infomesen sistem long stretim ol dispela hevi.

Deputi oposisen lida, Sam Basil i tok long kisim gutpela infomesen gavman i mas

wok klostu wantaim ol kaunsil bilong wan wan wod.

Mista Basil i tok em i bin statim dispela pinis taim em i stap Nesenel Plening Minista long 2011 na em i askim Minista Abel long bihainim.

Minista Abel i tok dispela em i gutpela rot long kisim infomesen na em i tok bai i wok wantaim ol wod kaunsil.



Memba bilong Kundiawa, Tobias Kulang.



Minista bilong Edukesen Nick Kuman.

Gavman bai senisim signesa bilong skul akaun

Stanley Nondol i raitim

GAVMAN bai senisim signesa bilong olgeta elementri, praimer, na sekenderi skul akaun na ol distrik tresera na administreta bai sainim sek bilong ol skul.

Minista bilong Edukesen Nick Kuman i tok planti mani bilong skul i lus long paul pasin na gavman bai mekim dispela long kontrolim mani na ol skul bai kisim gutpela sevis.

Mista Kuman i tokim palamen olsem em i givim tokorait pinis long wanpela pas i

go long edukesen seketeri na stat long namba wan de bilong Jun olgeta signesa bilong skul bai senis.

Ol distrik administreta na tresera bai sainim signesa long sek wantaim het tisa.

Mista Kuman i tok em kisim planti ripot long benk na dipatmen olsem ol skul het tisa na bod i wok long sainim ol sek na kisim planti mani.

Em i tok tu olsem insait long wanpela wik ol het tisa na skul bot i rausim planti mani.

Mista Kuman i tok gavman i putim bikpela mani long ol skul long ol pikinini bai kisim

gutpela save na rausim hevi bilong baim fi long ol papama. Tasol ol het tisa na bod i kamap olsem papa bilong mani na i putim long ol narapela wok.

Kuman i nupela Minista bilong Edukesen na em wari long ol ripot em i kisim olsem sampela het tisa na bot i paulim planti mani bilong skul.

Mista Kuman i tok namba tu kwata mani bai lukim sampela senis i kamap long signesa bilong skul long daunim ol paul pasin bilong yusim mani bilong skul

Em i tok gavman i putim mani long ol i bai menesim gut. Em i tok gavman tu i apim pe bilong ol tisa na i wok long ol straksa long apim pe.

“Dispela kain bai no inap kamap long taim bilong mi olsem Minista bilong Edukesen. Mi givim daireksen pinis na long Jun 1 olgeta skul bai no inap kisim mani inap ol i senisim ol signesa long skul akaun bilong ol.” Mista Kuman i tok.

Em i tokaut tu olsem olgeta skul long kantri i kisim subsidi mani pinis na em i tokim ol long menesim mani gut.

Oro komyuniti i kisim wara saplai

Gilford Kove i raitim

ORO, Oro, Oro, em i tok krai na amamas bilong welkamim minista bilong Not Is Ilektoret, Labi Amaiu, Fainens Minista na Memba bilong Tari Pori, Francis Marape, Spots Minista na memba bilong Mosbi Saut, Justin Thatchenko long lonsim Wara Projek long Oro Komyuniti long ATS, ausait long Mosbi siti.

Mista Amaiu i komisinin namba wan hap bilong K3.1 milien long Oro Komyuniti Wara Projek.

Long taim bilong lonsing, Mista Amaiu i tokaut olsem ol narapela setelmen we bai kisim wankain sevis em Erima, Wail Laip na 8Mail.

Mista Amaiu i givim sek mani inap long K4 millien i go long han bilong Siameri bilong Eda Ranu, Mary Karo na Eda Ranu bai stat wok long ol dispela settlemen na ol i ken kisim klin wara.

Mista Amaiu i tok "Nambawan tingting bilong mi em long kisim klin wara i kam long haus dua bilong yupela. Wara em laip, na ol pipel mas kisim gutpela wara".

Mista Amaiu tu i tok strong

olsem O'Neil-Dion Gavman bai kisim sevis kam, tasol wok bilong yupela em i bilong lukautim lo na oda insait long komyuniti. Em i tok sapos i gat hevi long lo na oda sevis bai hat long kam insait".

Eda Ranu siameri i tok strong long komyuniti mas yusim gut wara, lukautim gut ol paip we wok man bilong Eda Ranu i putim.

Em i tok "wara i no kam nating. Em bikpela mani tru mipela i yusim long

kisim sevis i kam na olsem, lukautim gut na yusim wara gut bikos yu bai

peim bil".

Mista Amaiu i tok tenk yu long NCD Gavana, Powes Pakop long wok bung wantaim Eda Ranu we i lukim Oro komyuniti i kisim wara.

Wanpela mama i amamas na i tok "Mi kam insait i hia moa long 15 krismas i go pinis, na kisim wara em bikpela hat wok tumas. Nau wara i kam long haus dua bilong mipela na mi amamas tru. Tenk u long Prais Minista, Peter O'Neill na Mista Amaiu wantaim Eda Ranu".

Moa long tausen man meri i bung long witnessim dispela lonsing.

Nari i sapotim Lutheran sinot

Bustin Anzu i raitim

MOROBE Gavana i givim bikpela sapot long bikpela sinot bilong Lutheran Sios bai kamap long Finshafen long 2016.

Sinot namba 30 bai kamap long asples bilong Lutheran Sios long Heldsbach, Simbang na planti manmeri bai kapsait long dispela taim.

Gavana Naru i bin stap long Heldsbach long tupela nait i go pinis long graun breking seremoni, na tok promis olsem em bai helpim long mekim dispela bung olsem wanpela bikpela na namba wan kibung bilong ol Lutheran. Em i givim wanpela K200,000, narapela K100,000 em i givim lo Pindiu long wik i go pinis. Dispela em i bihainim toktok bilong em long 29 sinot long Karkar long Madang long stat bilong dispela yia.

Bisop Giegere Wenge i blesim dispela graun breking seremoni, we Memba bilong Finshafen na Spika bilong Nesinol Palamen Theo Zurenuoc, ELC PNG Kote distrik presiden Kelly Rabisang, Kote LLG presiden Harry Umbingke, Burum Kuat LLG presiden na provin sel lo na oda siaman Ali Hetuke, Finschhafen distrik administreta distrik Carl Baga na ol narapela bikman.

Gavana Naru i tok ELC PNG i bin mekim bikpela wok long telematim gut-



MOROBE Gavana, Kelly Naru.

nius insait long Papua Niugini long las 38 yia, na dispela wokabaut bilong wok misin i bin kamap long ples Simbang na Heldsbach. Gavana i askim olgeta Lutheran insait long kantri i mas givim han long dispela sinot na mekim olsem em bisnis bilong ol na Anatu bai kapsaitim blesing bilong las 130 yias.

Em i tok aninit long gavman bilong em, ol i luksave long wok bilong sios, we gavman bilong pastaim i no luksave. Ol i luksave long dispela asua na Morobe Provinsel Gavman i pasim wanpela resolusen bilong ol olsem 1/10 bilong revenu bai givim i go long wok misin.

"Dispela Kristen Sios Patnasip Program o CCPP em i gat bikpela sapot bilong Morobe Provinsel Gavman long wok bilong ol sios insait long Morobe," Gavana Naru i tok.

Naru givim K100,000 bilong seket opis

Bustin Anzu i raitim

YABIM Seket long Yabim Distrik bilong Evangelikal Lutheran Sios bilong Papua Niugini (Evangelikal Lutheran Church of Papua New Guinea) bai gat nupela seket opis long Gagidu Stesin long Finshafen, Morobe Provins.

Morobe Gavana, Kelly Naru i tok Yabim, bai namba wan seket bilong 17-pela distrik bilong sios i mas gat opis bilong ol yet. Na ol mas i gat rekot bilong olgeta sios stat long taim bilong ol Geman misineri i kam inap long nau na wok bilong sios i bin ran olsem wanem.

Gavana Naru i mekim dispela toktok taim em i wokim

komitmen long givim K100,000 bilong wokim seket opis.

Em i bin stap na witnessim namba 23 Yabim seket konpres o Sam Katong, we Gingala peris i bin holim long ples Bugaim, dispela i bilong tupela namba wan evanjelis, Kamilus Kamsusanga na Tobias Kauboi.

Namba wan Misineri Johann Flierl i bin kisim i go insait long konfesen klas bilong em long Simbang na baptaisim tupela na givim wok olsem evanjelis.

Olsem na dispela opis bai tingim tu wok bilong tupela asples evanjelis. Long wankain taim, namba tu Gavana na Provinsal Minista bilong Lens na Presiden bilong Yabim/Mape, Judas Nalau, i tok ol Yabim

na Mape i mas senisim pasin.

Ol i no lukim sampela senis long longpela taim, olsem na ol mas senis nau olsem wanpela seket.

"Yabim seket i no lukim sampela senis olsem na ELCPNG bai i no inap senis. Sapos Yabim seket i senis, bai ELCPNG i senis," Nalau i tok.

Em i tok long olgeta seket insait long distrik bilong sios, Yabim em las seket long wanem, em i no gat seket opis.

"Planti ol narapela seket na sampela ol nupela, i gat seket opis na kar na manmeri bilong ronim opis. Na Yabim, namba wan seket bilong olgeta seket i nogat wanpela bilong ol dispela samting i stap," namba tu

gavana bilong Morobe i tok.

Siaman bilong CCPP o sios patnasip program na presiden bilong Erap/Wain Charlie Foike, i tok i moabeta Yabim i mas gat seket opis na distrik opis long Gagidu na i no long Lae.

Em i tok dispela bai soim tru olsem Yabim em i asples bilong Lutheran Sios na bai i gat respek na luksave. Em i tok sampeka ol narapela seket i gat ol samting bilong, olsem Boana na i no gutpela long Yabim seket i abrus long ol dispela samting bilong seket long wok.

Mayor bilong Gagidu, Manasseh Laina na Foike, tupela wanwan i givim K1,000 na Nalau i givim K2,000 long dispela bung. Gavana yey i givim K8,000. Ol dispela lidaman i givim

EHP Provinsel Edministresen i stap we?

TUPELA bikpela taun bilong Isten Hailens Provins (EHP) i no luk gut long ai bilong ol manmeri husat i save kolim dispela tupela taun olsem ples bilong ol.

Wanpela Asosiesen we ol i save kolim, Famas na Setlas Asosiesen, i toktok strong olsem provinsal edministresen, na ol eben lokel gavman kaunsel i no mekim wok stret, na long dispela as, dispela tupela taun i bungim kain kain wari na hevi.

Ol i tok olsem edministresen i no fit long menesim tupela taun, na tu, ol i no gat teknikel save long mekim samting stret.

Presiden bilong Famset Asosiesen, Wilson Thompson, i tok Kainantu taun i no gat wara saplai sistem inap long tupela yia olgeta.

Em i tok Goroka tu i no gat gutpela wara saplai, na dispela em i no helti.

Mista Thompson i tok dispela tupela taun i no gat gutpela sistem long rausim ol pipia, na tu, ol manmeri i wok long lukautim ol pik na

kakaruk insait long ol haus bilong ol long taun.

Em i tok bus tu i karamapim olgeta pablik pak na pablik toilet.

Ol i bin traime kain kain rot long kisim ol dispela samting i go long ai bilong provinsal edministresen taim ol i putim long midia, na tu long sosel midia, tasol ol i no lukim wanpela gutpela bekim yet.

Mista Thompson i tok bikpela wari bilong ol fama i stap long sait bilong maket, bikos ol i lukim olsem laipstail bilong maket i no helti.

Ol fama i tok ol i laikim nesenel gavman long stopim rikutmen bilong provisel edministreta, long wanem, ol i lukim long ai bilong ol stret olsem ol pablik sevan i no fit long bihainim ol polisi na lo bilong dispela kantri long kamapim gutpela komyuniti bilong ol pipel long stap long en.

Mista Thompson i tok ol fama i laikim gavman long mekim investigesen long provinsal edministresen bilong provins na stretim ol hevi bilong ol hariap.



Ol pik i raun nambaut insait long Goroka maket na bagarapim maket bilong ol manmeri.

No gat rot, no gat haus sik, meri i dai

WANPELA meri i dai gen bihain long em i karim pikinini long ples na i no gat marasin o gutpela kea long Josephstaal long Middle Ramu Distrik bilong Madang Provins.

Josephstaal Stesin em i sab-distrik senta bilong Middle Ramu Distrik long Madang na em i gat gavman opis, skul, ples balus na helt senta i stap. Tasol olgeta dispela sevis em i no moa wok bikos i no gat gutpela rot na i no gat gavman opisa i stap long bringim sevis. Long wankain taim palamen memba bilong Middle Ramu i no moa go lukluk raun long dispela hap.

Dispela meri husat i dai em Misis Gidano bilong ples Mungumat insait long Josephstaal LLG. Em i gat tripela pikinini na em i gat bel long namba 4 pikinini. Tasol em i kisim bikpela sik long klostu long taim bilong karim bebi. Rot i no gutpela long kar i ran olsem na long 4-pela wik em i sik em i painim hat long wokabaut i go long Bogia Distrik Helt Senta bikos Josephstaal helt senta i no gat wokman. Bus i karamapim ples balus bilong Josephstaal na ol pik i wok long brukim graun i stap. Em bai kisim 9 aua long wokabaut i go long Josephstaal stesin, tasol em

i sik tumas long go i kam. Taim bilong klinik tu em i bihainim wankain rot long go i kam. Dispela em hevi bilong olgeta mama long dispela rurel eria, we ol i save bungim long wan wan de.

I gat helt senta klostu moa long ples em Temandapor Helt Senta, tasol em i bin pas tu bikos i no gat wokman inap long 6-pela mun olgeta. Em i tok long go kisim marasin saplai tasol em i no kam bek hariap bikos provins i no gat marasin long em bai kisim na i go bek.

Olgeta dispela hevi i mekim na Misis Gidano i kisim bebi long ples wantaim

helpim bilong ol ples mama na ol i bihainim pasin bilip na kastom bilong ples long helpim em long karim bebi. Bihain long kisim bebi, em i kisim bikpela sik tru.

Wanpela elementri tisa i helpim em long singaut long redio i go long Daigul Helt Senta tasol rot i bagarap na ol i no inap long go kamap long Guam bris we em i klostu liklik long ples. Dispela gut Samariten i singaut gen long Provinsal Helt opis na ol i salim tupela 4-wil kar i go long Guama na kisim dispela meri wantaim narapela man husat i bin kisim bikpela bagarap tu.

Ol i kisim ol long 11 klok nait. Ol i kisim tupela na ran i go long rot tasol long hap pas 1 long moning taim, Misis Gidano i dai taim ol i ran yet long Ariangon Janksen. Ol i kisim bodi bilong em i go bek gen long Guam na ol famili i karim i go bek long ples.

Stori bilong dispela meri i putim sampela hevi ol pipel bilong Middle Ramu i save bungim olsem; Josephstaal ples balus i pas, i no gat rot i go kamap long Josephstaal, i no gat wokman long etpos, i no gat inap helt woka long Josephstaal Helt Senta, Marasin i sot tru, na riferel sistem bilong ol sik-

lain i no gutpela.

Madang taun i wok long senis bikpela tru wantaim ol maining na kain kain divelopmen i stap. Gavman i givim fri helt sevis na i gat tripela level bilong gavman i stap; provinsal, distrik na lokal level. I gat wod memba na lokal memba bilong palamen i stap, tasol bilong wanem na dispela meri i mas i dai? Em i wanpela askim we i makim olgeta pipel bilong Middle Ramu Distrik husat i save kisim helpim long Josephstaal sab-distrik edministresen. Ol pipel i laik save, memba bilong ol i stap we nau?

Polis opisa ritaia long Goroka

Sape Metta i raitim

LONG olgeta wok insait long praivet na pablik sekta, i gat stat na pinis bilong em. Na tingim, sapos yu wanpela man o meri i statim wok long taim yu yangpela yet, na i stap yet long dispela wok long planti yia i go inap yu kamap bikman o meri long dispela wok, yu mas ritaia o pinis long wok na go bek long ples. Bai yu ken sindaun isi na malolo wantaim ol meri, pikinini na famili bilong yu.

Na dispela pasin i kamap nau long 11-pela olpela plisman husat i bin wok raun long PNG na i go stap long Goroka - Isten Hailans we ol i pinis long wok bilong polis na ritaia long dispela yia.

Ol dispela plisman i givim bikpela taim long mekim wok bilong polis inap planti yia. Na ol i mas kisim gutpela luksave i kam long gavman long longpela yia sevis ol i kamapim long sevim gavman na ol pipel bilong PNG.

Dispela em i sampela strongpela toktok olpela Goroka polis stesin komanda David Seine husat i bin ritaia long 2011, i bin mekim long taim em i kamap long fewel



POLIS RITAIA LONG GOROKA.....Lokal memba bilong Goroka Bire Kimisopa i givim ol ritaiamen presen i go long wanpela senia polis saiden long Goroka polis stesin.

seremoni bilong dispela 11-pela polis opisa. Tupela long ol i bin dai bihain tasol long tupela i bin kisim tok save long ritaia.

Mista Seine i tok, polis i save mekim bikpela wok long sevim ol komyuniti long daunim hevi bilong lo na oda. Olsem na taim ol i ritaia, gavman i mas givim gutpela luksave na sekanim ol gut long

gutpela pasin. Em i tok long taim em i ritaia, gavman i no luksave gut long em na baim em long mani mak inap long K24,000 tasol.

"Taim mi lukim dispela kain mani, mi tingting planti long wanem, lukluk long ol yia mi wok long polis fos, na lukluk tu i go long longpela taim mi bai stap autsait bihain long mi ri-

taia, dispela mani o ritaiamen benefit em i no inap lukautim mi," Mista Seine i tok.

Em i tok, nau em i taim Royal Papua Niugini Konstabulari (RPNGC) aninit long lukaut bilong PNG gavman i mas painim gutpela rot long tingim, stretim gut na wokim gutpela pei aut bilong ol polisman na meri long taim ol i pinis na ritaia long polis fos.

Akameku redi long Karuka na Marita festival

Sape Metta i raitim

LONG 30 na 31 Me, na Jun 1 ol hauslain komyuniti long Akameku, Isten Hailans na ol narapela hauslain i stap klostu bai kamapim Karuka na Marita Festival.

Na man husat i go pas long komiti long ogenaism dispela festival Pato Matani i tokim *Wantok* olsem, long bipo long taim bilong tumbuna, Akameku na ol narapela Tokano wanpisin hauslain insait yet long Mimanalo LLG eria - pasin tumbuna em i bin i stap na i go het strong tru long pasin bilong senisim (bata sistem) o givim ol kaikai samt-ing na karuka na marita i go i kam namel long ol yet.

Long dispela taim, long taim bilong karuka na marita, ol tumbuna i save mekim bikpela samt-ing tru long dispela tupela samt-ing.

Matani i tok, nau yet dispela pasin tumbuna i wok long i go daun isi isi na i no longtaim dispela pasin bai dai na pinis olgeta.

Olsem na long dispela tingting, ol lain manmeri na pikinini long Akameku hauslain i laik bringim na kirapim bek dispela pasin tumbuna bilong ol.

Matani i tok, ogenaism komiti i makim pinis ol skul pikinini long 8-pela elementeri skul insait yet long Mimanalo LLG eria long wanem, ol i laikim olsem ol pikinini long elementeri skul level i mas stap insait long dispela festival long lainim na kisim skul long ol pasin tumbuna.

Em i tok amamas long JK McCarthy Museum, Dokta Michael Mel long Yunivesiti ov Goroka na Mimanalo LLG long givim teknikel edvais na stia long em wantaim ol komiti memba long mekim ol wok redi long kamapim dispela festival.

Matani i tok ol bai soim planti ol pasin bilong kalsa na tredisen o pasin tumbuna. Na tu ol singsing grup bai kamap na kukim stret Akameku praimer skul graun long dispela 3-pela de bilong Karuka na Marita Festival.

Nupela sinot haus

I GAT bikpela tingting long wokim wanpela bikpela haus lotu o konfesen senta long ples we Luteran Misin i stat. Tasol dispela mas kisim tingting na tok orait bilong olgeta Luteran bilong Papua Niugini.

Morobe Gavena Kelly Naru i bin tok em bai givim sapot long dispela bikpela konfesen senta olsem hetkwata bilong sinot.

"Dispela Konfesen Senta bai kamap olsem haus lotu bilong sinot long asples Heldsbach. Em bai mekim wok bilong sinot i isi," Gavena Naru i tok.

Gavena Naru i mekim dispela toktokbihain long givim K3m long kamapim dispela haus lotu. Dispela mani bai kam long Kristen Sios Patnasip Program o CCPP (Christain Churches Partnership Program).

Sapos dispela i sanap, em bai soim bikpela hanmak bilong sios na tu, olsem hetkwata bilong sinot. Em tu bai ino inap givim hatwok long ol distrik long holim sinot.

Spika na Memba bilong Finschhafen Theo Zurenuoc i bin mekim dispela singaut long namba 29 sinot long Karkar Ailan long Madang long Jenueri.

Spika Zurenuoc i tok dispela em bai kamap olsem wanpela memori bilong sios na kamap long asples bilong em stret.

"Mipela tingting long wokim wanpela bikpela konfesen senta long Finschhafen, as ples bilong Luteran Sios. Em bai kamap bikpela hanmak bilong sios na olgeta mas luksave," Zurenuoc i tok.

Spika Zurenuoc i tok olsem dispela sinot konfesen senta bai kostim K7m na singautim olgeta Luteran bilip manmeri long helpim long kamapim. Em yet olsem Memba bilong Finschhafen i putim K1m.

Dispela haus bai kamap hanmak bilong sios tu long tingim ol brukim bus misineri olsem Johann Flierl, husait i bin krungutim Ximbang na bihain long Hesbach.

FARM TRACTORS

- Slashers
- Disc Ploughs
- Disc Harrows
- Post Hole Augers
- Trailers

120hp

90hp

70hp

50hp

40hp

PORT MORESBY: 323 2658 | Digicel: 7215 0333 / 7217 9815
 LAE: 472 6324 KOKOPO: 982 8748 | email: machinery@agmark.com.pg

Ol Filipina nes kam wok long Pot Mosbi

SAMPELA mun i go pinis, taim CEO bilong Pot Mosbi Jeneral Haus Sik, Grant Muddle i bin kisim wok, em i bin tok olsem i gat bikipela wok i stap long Pot Mosbi Jeneral Haus Sik tasol i no gat inap nes na dokta.

Em i bin tokaut long taim Konstantino Grup Kampani i givim sek i go long Pasifik Edventis Yunivesiti long sponsaim ol sampela nes sumatin bikos kantri i sot long ol nes.

Pot Mosbi Jeneral Haus Sik bai kisim sampela nes long ovasis na bai ol i mekim wok insait long bikipela riferel haus sik.

Pot Mosbi Jeneral Haus sik i gat nid long kisim samting olsem 900 nes, tasol ol i gat 300 nes i mekim wok i stap.

Long las wik, 36 nes i kam pinis long Filipins. Na bai i gat 14 moa i kam long sampela wik bihain. PMGH i gat plen long kisim 53 nes bilong olgeta i kam long ovasis long sapotim ol nesenel nes long

daunim sampela hevi long wok.

Ol dispela nes bilong Filipins bai no kam olsem ol menesa o supavaisa, nogat. Ol kam olsem nes tasol long mekim wok bilong lukautim ol sikman na givim marasin.

Long dispela 53 nes namba, 42 em ol man na 8-pela meri.

Olgeta i kam long Filipins bikos em i wanpela bikipela Kristen kantri na ol i gat stori long gutpela wok pasin bilong nes. Tu, ikonomi bilong ol i wankain olsem long PNG.

Ol dispela nes man na meri bai slip long Laloki Trening Senta wantaim ol nesenel nes bilong Pot Mosbi.

Ol i mekim wanpela orientesen program na bihain long dispela wik, ol bai stat long wok sif.

Ol bai wok long olgeta dipatmen bilong haus sik olsem tieta, wod bilong ol mama, medikal na sejikal wod.



Ol Filipina nes i kisim orientesen long dispela wik.

Hanuabada Wimen Grup helpim PNG Kensa Faundesesen

HANUABADA Wimen Grup long Pot Mosbi i bin holim 'Biggest Morning Tea' o bikipela dring ti long moning bung long bringim luksave bilong wok long PNG Kensa Faundesesen.

Ol meri Hanuabada i bin kirap nogut long lukim meri bilong Praim Minista, Peter O'Neill i kamap long Sarere moning long ples bilong ol bikos i no bin gat toksave olsem em tu bai kamap. Tasol Linda O'Neill em i wanpela embeseda bilong PNG Kensa Faundesesen na em i gat bikipela wari long ol pipel bilong Papua Niugini i wok long dai long sik kensa. Olsem na em i no wari long toksave, nogat, em i laik go kamap tasol long strongim wok bilong daunim kensa long kantri.

Misis O'Neill i sindaun wantaim ol meri memba bilong Hanuabada Wimen

Grup na i toktok long helt bilong ol ol long ples, na long hevi bilong sik kensa long maus na wanem samting ol mama i ken mekim long stopim dispela sik long ol famili bilong ol.

Sif Eksekutiv Opisa bilong PNCF, Dadi Toka Jr tu i bin stap long dispela bikipela moning ti kibung na em i toktok long wanem kain we ol komyuniti grup olsem Wimen grup i ken kamapim "Biggest Mornign Tea"

Mista Toka i tok "Biggest Morning Tea" em i no bilong bikipela kampani tasol. Tingting baksait long dispela moning ti kibung em long kamapim wanpela taim we ol pipel i ken bung wantaim long wanem hap ol i stap, na autim toktok bilong kensa na ol rot bilong daunim hevi bilong dispela sik long komyuniti. Taim ol manmeri i kam bung long moning ti,

em i gutpela taim bilong ol long toktok long ol hevi bilong helt taim ol i sindaun na dring ti na kaikai kek.

"Mi laik tokim olgeta lain long kam insait na mekim samting. Rejistresen em i fri na ol ti, kofi na kek em i fri long ol lain i go pas long mekim bikos sponsa bilong mipela, Lipton Tea, i helpim mipela long mekim dispela. Ol i ken salim email long opis bilong me long dispela adres, events@cancerfoundation.org.pg na ol i ken ring tu long namba 180 2009 em i no gat sas long en.

ISRPNG (Inovativ Engro indastri) tu i bin donetim sampela kumu na kaikai i go long Poreporena Wimen Grup long taim ol i holim dispela "Biggest Morning Tea" las wik. Dispela pasin ISRPNG i wokim em i gutpela tru long wanem, em i strongim tingting bilong

kaikai gutpela kumul na stap helti.

Meri i go pas long dispela kibung bilong Poreporena Wimen Grup, Catherine Igua em i amamas tru long kamap bilong Misis Linda O'Neill, na long toktok bilong em long bikipela nid i stap yet long tokaut long kensa insait long ol komyuniti long ruel eria.

"Biggest Morning Tea long dispela yia bai mekim awenes long kensa bilong maus. Ol helt stadi long kantri i soim olsem planti kensa long maus em i save kamap long pasin bilong kaikai buai, dring strongpela bia na long smok tapak. Em i min olsem kensa bilong maus em yumi inap long stopim. Yu ken stopim dispela sik long laip bilong yu sapso yu no ken kaikai buai, stopim strongpela bia na no ken smok," Mista Toka i tok.

Ol Buin i tok gutbai long MSF

Eleanor Maineke i raitim

LONG 20 Me, bikipela sere-moni bilong tok tenkyu long ol MSF (Ol dokta i no gat mak) i bin kamap long Buin Helt Senta, Saut Bogenvil.

Insait long ol yia i go pinis, MSF i givim helt sevis long ol pipel bilong Buin. Ol i bin wokim sampela gutpela wok stret. Sampela bikipela wok i kamap em olsem; moa

long 50,000 siklain i bin kisim helpim long taim MSF i stap long Buin. Buin Haus sik i kisim wanpela TB wod bilong em yet, insait long olgeta helt senta bilong Buin olsem Turiboiru, Piano na Tabago i gat ol sola panel lait nau.

MSF tu i givim bikipela tok tenkyu long ol pipel bilong Buin long gutpela wok bung wantaim long dispela taim long Buin.



Ol Tabago mama i amamas danis na tok gutbai long ol MSF long gutpela wok ol i mekim long ol haus sik long Buin Distrik. *Poto: Eleanor Maineke*



Komyuniti bilong Hanuabada i holim ol toksave pepa bilong kensa na sanap wantaim Misis Linda Babao O'Neill, meri bilong Praim Minista Peter O'Neill.



Yut, Meri na Famili

**Pastor
Barbara
Lunge**

Bikpela ples paia i salim aut ol het spirit

BIKPELA ples paia o hel i op na larim ol het spirit i go aut long bagarapim ol nesen.

Wok bilong ol het spirit na ol masalai i kamap bikpela antap long ol nesen, i bhainim ol tok profet bilong taim long graun bai pinis. Olsem na yumi ol Kristen i mas kirap na no ken slip. Yumi mas stap redi long birua bilong yumi i kam karamapim ol nesen. I gat planti pasin bilong pait, kilim man na bagarapim narapela i stap long wol tude. Tok bilong God i tokaut olsem taim birua man i save kam olsem wara tait, God bai kirapim wanpela mak bilong em long winim em. Kirap nau ol pikinini man na pikinini meri bilong PNG na tokaut long blesing na banis antap long kantri bilong yu na ol pipel bilong en.

Ol spirit nogut i kisim wok long bosim sampela hap bilong graun na ol nesen husat i save autim Gutnius bilong God. I luk olsem dispela bikpela masalai i bosim ol ples na ol pipel long ol hap we ol i bosim. Satan em i bikpela snek bilong bipo tru, em i man bilong kotim na bosim sampela siti na em i save kilim ol gutpela Kristen. Em i soim em yet long wanpela kain sin piksa bilong trinita bilong man bilong kotim yumi (bikpela snek), EntiKrais (enimal nogut) na spirit bilong giaman lotu.

“Orait, nau mi laik pinisim tok bilong mi olsem, yupela i pas wantaim Bikpela, olsem na yupela i mas tingting long olgeta bikpela strong bilong en, na yupela i mas sanap strong. Yupela i mas pasim olgeta klos pait God i save givim long yumi, na bai yupela inap long sanap strong na sakim olgeta kain pasin bilong trik na giaman satan i save hait na mekim. Tingim gut. Yumi no save pait long ol manmeri. Nogat. Yumi pait long ol strongpela spirit na ol gavman na ol kain kain samting i gat strong, ol i save bosim graun long dispela taim bilong tudak. Yumi pait long olgeta spirit nogut i stap antap. Olsem na yupela i mas kisim klos pait God i save givim yupela, na long taim nogut yupela bai inap sanap strong long pait. Na long taim pait i pins, yupela bai i sanap strong i stap yet.” (Efesis 6:10-13)

Yumi olsem bodi bilong Krais, i gat wok long mekim long daunim na bagarapim wok bilong ol spirit nogut long olgeta hap. I gat planti rot Holi Spirit i ken soim yumi long wok hait yumi wan wan i ken mekim long bagarapim ol pawa bilong tudak. Yumi mas go het yet wantaim ol bikpela bung lotu na dispela bai opim dua bilong heven na ol het spirit i save bosim ol man i ken klia na i go long we. Taim heven i op em bai ol ensel bilong God bai i kam long bringim presens na anointing bilong Bikpela i kam daun. Wok bilong autim gutnius i mas kamap olgeta de. Tok bilong God i tok, ‘yu mas autim tok bilong God olgeta de. Tok bilong God i gat pawa long senisim laip bilong ol man na em i ken senisim ol skai antap. Husat i tokaut long nem bilong Jisas long pablik, bai em i no sem long autim nem bilong yu long ai bilong papa bilong em.

Yumi mas go bek long God, tanim bel na lusim ol pasin nogut bilong yumi i save givim strong long satan long daunim yumi.

Sapos yu laik toktok moa o yu nidim prea, yu ken rait long: Evangelis, Barbara Lunge, ROGIM, P.O. Box 3063, Boroko. NCD. PNG, o ring long 7099 5378.

Pawa bilong meri em bilong pipel

“GIVIM pawa long meri, yu givim pawa long pipel, yu traim tingim!”

US Wimen Eksekutiv Dairekta i mekim dispela toktok long taim bilong bikpela kibung bilong ol meri long Beijing, Saina. Em i 20 yia i go pinis taim ol meri long Wol i bin holim namba 4 Wol Konpres bilong ol Meri long Beijing, Saina.

Gavman bilong 189 kantri i bin kisim wanpela viseneri rotmep bilong jenda ikwaliti ol i kolim long: Beijing Dekleresen na Pletfom bilong Eksen. Moa long 17,000 deliget na 30,000 stropela meri long pait long rait bilong ol meri i kamap long soim piksa bilong wol we ol meri na ol yangpela gel i gat wankain rait, fridom na sans long olgeta eria long laip bilong ol.

I gat planti wok i kamap pinis insait long 20 yia, tasol i no gat wanpela kantri yet long wol i kamap long mak we ol meri i gat wankain rait na sans olsem man. Em i taim nau long wol i mas kam bung wanpela long helpim ol yangpela meri na ol bikpela meri long pinisim dispela rot ol i statim.

UN Wimen i autim wanpela

kempein we insait long wanpela yia bai ol i strongim gen visen bilong Beijing Wimen Konpres.

Tingting bilong mipela em i stret tasol olsem: strongim tingting bilong mipela, strongim eksen na putim moa risos long kamapim jenda ikwaliti, givim moa pawa long ol meri na strongim human rait. Mipela i kolim dispela tingting: “Givim pawa long ol meri, givim pawa long olgeta man. Yu traim tingim!”

Dispela tokaut bilong Beijing i lukluk long 12-pela bikpela eria bilong hevi bilong ol meri na ol yangpela gel long olgeta hap bilong graun. Ol gavman, praivet sekta na ol narapela patna i kisim toktok long ol i mas traim long rausim pasin bilong ol yangpela gel na ol meri i stap rabis. Ol i mas luksave long ol meri i mas kisim gutpela edukesen na trening, ol i mas gat gutpela helt bilong ol yet na gutpela helt long kamapim pikinini. Ol i mas banisim ol meri long pasin bilong paitim na bagarapim meri na daunim ol. Ol i mas luksave long ol meri i mas kisim moa skul na save long

teknoloji na promotim save bilong ol long holim wok wantaim ol man insait long sosaiti, politik na ikonomi.

Dispela bikpela toktok bilong Beijing na platform i stap yet olsem wanpela klia agrimen bilong strongim ol meri long wol. Na sapos ol gavman i ken wokim olsem, em bai gutpela tru.

Tasol, yumi ken amamas long wok i kamap pinis. Planti moa meri i go long skul, kisim wok wantaim ol man, na moa meri i go insait long palamen, na kisim wok lida. Tasol long olgeta rijon bilong wol, na insait long olgeta kantri, ol meri i wok long bungim yet hevi long ol man i lukdaun long ol bikos ol i meri.

Mipela i save lukim olgeta de long mak bilong pe ol i kisim na long kisim wok. Em i moa bikpela insait long ol praivet kampani. Yumi lukim ol yangpela gel i marit na bikpela hevi bilong paitim na bagarapim ol meri i stap yet long olgeta hap bilong wol. Wanpela meri long olgeta tripela meri, i save kisim bagarap long han bilong ol man. Em i planti tumas.

Ol yangpela boi na ol man i

pasim maus longpela taim tumas. Ol i mas sanap nau na toktok long rait bilong ol meri na ol gel aninit long ol kibung olsem UN Wimen #HeForShe kempein. Mipela singaut long ol yangpela boi na ol bikpela man long kam bung wantaim mipela.

Klostu 20 krismas bihain long bikpela kibung long Beijing, mi bilip dispela wol i redi long autim visen bilong em long ol man na meri i stap wankain. Tude mipela i autim Beijing+20 kempein long skelim ran bilong wok bilong jenda ikwaliti wantaim stori bilong ol lain i mekim ol gutpela wok.

Ol lida na ol man nating, olgeta i mas bung long strongim tingting na mekim wok long senisim visen bilong Beijing pletfom i kamap ples klia. Dispela bai kamap ples klia wantaim ol kibung olsem; long Sweden, ol pipel bai bung long mun Jun long banisim human rait bilong ol meri, na long September, bung bilong Klaimet long New York, we ol meri husat i stap olsem Het ov Stet wantaim ol strongpela meri bilong toktok long rait bilong ol meri bai bung.

USAID helpim Bogenvil meri

YUNAITET Stets Embeseda, Walter North i go long Bogenvil dispela wik long tokaut long \$1.5 milien dola USAID Projek bilong strongim ol meri long wok bilong bringim bel isi long Bogenvil.

Embeseda North, i mekim wokabaut i go long Atonomas Rijon bilong Bogenvil stat long Mei 19 na bai pinis long Sarere 14. Bikpela tingting bilong dispela wokabaut em long lukim long ai bilong em yet, na statim 2 yia Wimen Pis Bildung inisetiv (WPBI) program. Insait long dispela program, U.S. Ejensi bilong Intenesenel Developmen (USAID), bai strongim kKepe-siti bilong ol meri long kamap lain bilong soim senis insait long laip bilong ol, long helpim wok bilong kamapim bel isi na gutpela sindaun long ARB long bihain taim.

Taim em i go raun long Bogenvil, Embeseda North bai bung wantaim ol memba bilong ARB Gavman na ol narapela sivel sosaiti lida man na meri.

Embeseda North i tokaut long kamap bilong projek long wanpela seremoni ol i holim long Kuri Viles Risot, Buka.

U.S Embeseda, Walter North poto: Frieda Kana.



Bisop Orowae em nupela CBC presiden

Veronica Hatutasi i raitim

KONPRENS bilong ol Katolik Bisop bilong PNG na Solomon Ailan (PNG&SI CBC) i gat nupela presiden.

Samting olsem 21 bisop i makim Bisop bilong Wabag Daiosis long Enga Provins, Arnold Orowae olsem presiden long namba 55 anuel jenerel miting (AGM) bilong ol i bin kamap long Mosbi long Me 1 inap long de namba 10.

Olsem ol i save wokim long olgeta yia, ol bisop bilong PNG na Solomon Ailan i bin bung long 10-pela de long toktok long ol samting i karamapim sios, pipel bilong em na tu, ol bikpela samting i kamap long dispela kantri.

Bisop Orowae i kisim ples bilong Asbisop John Ribat bilong Pot Mosbi Asdaiosis.

Em bai holim wok olsem CBC presiden long tripela yia.

Olsem CBC Presiden, Bisop Orowae bai ogenaism ol miting bilong CBC, siarim o go pas long ol stiarng komiti, makim maus bilong CBC long ol bikpela sios na nesene isu na ol arapela wok moa.

"Mi amamas olsem ol bisop i gat bilip long mi na

makim mi long dispela wok. Wok long CBC na sios i no samting bilong wanpela man, no gat. Tasol i mas gat man long go pas. Na mi amamas long wok bung wantaim ol narapela bisop long go hetim wok bilong sios long dispela kantri," Bisop Orowae i tok.

Em i tok Katolik Sios i gat salens na dispela em nupela evanjelaisan.

Tasol em i tok olgeta dispela i stap insait long nupela pastorel plen sios i bin kamapim long yia 2004 long namba wan Jenerel Asembli long Rabaul, Is Nu Briten.

"Ol toktok log dispela i bin go aut na olgeta daiosis i gat ol wan wan pastorel plen we ol i wok long ol i stap. Dispela hap i pinis nan au sios i stap long namba tu hap.

"Bihain long Madang bung, ol wok i kirap, na long dispela bung i pinis tasol, ol bisop i kamap wantaim ol draf plen long wok long ol na long bung neks yia, ol bait ok oraitim," Bisop Orowae i tok.

Long wol Katolik Sios kalenda, dispela yia em i "Yia bilong famili."

Bisop Orowae i tok aninit long dispela het tok, wok long spiritual, sosel na fisikel sait i mas kamap long strongim ol famili. Na wok



NUPELA CBC PRESIDEN: Bisop Arnold Orowae. *Poto: Veronica Hatutasi*

evenjelaisan i mas stat long famili level pastaim.

Long wankain taim, Bisop Orowae i givim tigting bilong em long ol Manus asailam sika.

Em i tok ol i mekim PNG i luk olsem ples no gut taim Australia i salim ol asailam sika i kam long Manus, PNG.

"Watpo ol asailam sika i pret long Manus?"

"Watpo ol i penim piksa no gut long PNG long mekim ol asailam sika i pret na stop long kisim sip na kam?," em

sampela ol tingting bisop Orowae i autim long ol Manus asailam sika.

Em i tok i moabeta long gavman i givim sans long ol sios long helpim wantaim wok bilong asailam sika na moa yet, long ol eria olsem kaunseling, spiritual sait na moa."

Long las wik, olgeta 21 bisop bilong PNG na Solomon Ailan i bin stap long bikpela bung bilong ol Katolik bisop bilong Australia, Nu Silan, PNG, Solomon Ailan na ol kantri long Oseania.

Laip i mas gat balens ...Progrem long Redio Bogenvil

Veronica Hatutasi i raitim

I MAS gat balens long long spiritual na fisikel laip na tu, long sait bilong mani.

Olsem i mas gat sotpela na long tem plen we bai givim stia long kisim dispela balens na pipel i ken gat gutpela laip.

Bisop bilong Bogenvil, Bernard Unabali, i tok.

Bisop Unabali i givim bikpela tingting na lukluk long dispela na em i kamapim wanpela program long wanpela taim olgeta wik long Redio Bogenvil ol i kolim long "Balance View Bougainville".

Progrem ya i save kamap long 20 minit olgeta Trinde namel long 9.00 na 9.20 pm.

Bisop Unabali i tok progrem i bilong strongim spiritual laip bilong pipel na fomesen long sait bilong mani, trening na save.

Em i tok planti pipel i gat bikpela save, tasol ol i mekim samting i no stret, pasin korapsen, lusim tingting long bilip, i no bihainim gutpela pasin na moa.

Em i tok bilip i mas sanap strong wantaim bekap bilong "social knowledge".

Em i tok yumi nupela long mani na olsem, yumi mas gat mani fomesen na gut-



Bisop Bernard Unabali bilong Bogenvil Daiosis

pela pasin skol.

Bisop Unabali i tok dispela "Balance View Bougainville" i bilong inapim rinyuwel bilong sios long wol aninit long nupela evanjelaisan i stap long Pastorel Plen bilong ol wan wan daiosis long PNG.

Bisop i tok moa olsem long Bogenvil, dispela progrem bai helpim long painim sampela ansa long hevi i bin kamap long ailan we i bin brukim pipel long planti hap. Na ol i gat nit long ol i kamapim wanbel na tu, bungim ol wantaim.

"Taim program i bringim balens em i ken helpim gavman long kamapim balens developmen i go long ol pipel long ol ruel eria," Bisop Unabali i tok.

Sios bai santuim Pop Paul 6

VATIKEN i tokaut olsem hetman bilong Katolik Sios long wol, Pop Francis, i sainim pinis tok orait we i luksave long mirakel i oraitim wanpela sik pikinini long Amerika bikos long ol prea i askim long helpim bilong Pop Paul 6.

Na sios bai santuim em long Oktoba 19 long dispela yia.

Pop Paul 6 em dispela pop we Santu John Paul 2 i bin kisim ples bilong em taim em i dai long yia 1978.

Nem stret bilong Pop Paul 6 em Giovanni Battista Montini na em i bilong ples Concesio long Itali. Mama i karim em long Septemba 1897 na em bin dai taim em i stap hetman bilong Katolik Sios long wol long Castel Gandolfo long Ogas 6, 1978.

Ol dokta na tiolojen o ol saveman i no inap long givim as long sait bilong marasin, long wanpela pikinini long California, America we mama i karim wantaim bagarap na sik long kru bilong em i bin kamap orait. Mama i bin karium pikinini long ol yia long 1990s na nau em i wanpela helti pikinini, i no gat sik.



Pop Francis

Loing dispela wik, Kongriksen we i save lukluk long ol samting i kamap long luksave olsem dispela man i ken kamap santu i bin tok orait olsem dispela pikinini i kamap orait i wanpela mirakel.

Olsem na Pop Francis i bin sainim wanpela tok orait pepa long las Fraide long givim opisel luksave long dispela samting na wok long santuim Pop Paul 6 bai kamap nau long mun Oktoba long dispela yia.



Tupela Angliken Sios lida bungim praim minista

ANGLIKEN Sios em i wanpela long ol bikpela sios long PNG we i patna wantaim nesene gavman long

PNG long kisim ol sevis olsem helt, edukesen na ol sosel na spirituel sevis i go aut long pipel.

Long las wik, hetman bilong Angliken Sios long PNG, Clyde Igara, na Bisop bilong Pot Mosbi Angliken Daiosis, Peter Ramsden, i bin bungim Praim Minista, Peter O'Neill long opis bilong em long Waigani, Mosbi.

Tupela bikman bilong sios i bin toktok long wok sios i mekim na ol wok go het inap nau.

Ol bin tok tenkyu tu long praim minista na gavman bilong em long givim luksave i go long ol sios long dispela

kantri.

Tupela piksa i soim (1) Asbisop Igara i sekan wantaim Praim Minister O'Neill, na (L-R) Asbisop Igara, PM na Bisop Peter Ramsden i sanap wantaim PM insait long opis bilog em.



Wanpela bikman bilong gavman i tok sori long ol famili na ol pren bilong ol lain i dai taim wanpela bilding i pundaun long Pyongyang, kepital siti bilong Not Korea. *Poto ABC.*

Tripela PNG meri kisim awod

Tripela meri PNG i kisim awod o namba long wok bilong ol olsem lida bilong ol meri long kantri.

Wanpela bilong ol dispela meri em Maria Linibi. Misis Linibi i bin go stap long bikpela kibung bilong Australia/PNG Business Forum long Cairns, Australia na Pius Bonjui bilong ABC i bin tokok wantaim em long awod em i kisim na wok bilong em olsem wanpela rol model.

Honiara i stap isi

Honiara, biktaun bilong Solomon Ailan i stap isi bihain long ol tok win i bin kamap olsem bai i gat trabel i kamap.

Sgt Godfrey Abiah bilong Solomon Ailan polis i tok ol polis i toktok wantaim Brian Wang. Planti stua long Honiara i bin pas bihain long ol tok win i raun olsem bai gat wanpela protes mas i kamap long Honiara.

Ol bisnis na pipel bilong Honiara i stap wantaim pret yet bihain long sampela lain i stil na kukim wanpela stua bilong wanpela Saina las wik long Ranadi eria, long Is Honiara.

Sampela lain i go long ol stua insait long dispela bilding na stilim olgeta samting na bihain ol i kukim dispela haus.

Ol polis i bin givim strongpela tok lukaut long ol pipel i no ken mekim ol kain pasin nogut olsem, na ol i bin arestim pinis sampela pipel.

Planti pipel husat i bin stap insait long dispela trabel em ol lain husat i stap long kisim helpim long sampela kea senta long Honiara bihain long tait wara i bin bagarapim ples blong ol.

Midia opisa bilong polis Sgt. Godfrey Abiah i tok ol polis i wok long raun nau long Honiara long lukautim ples.

Em i tok Honiara i stap isi, maski planti toktok i raun long trabel bai kamap long sampela protes.

Haus i pundaun long Not Korea na planti i dai

Gavman bilong Not Korea i tok sori long famili bilong ol pipel husat i dai bihain long wanpela bilding i bin pundaun na planti handet pipel i dai. Dispela birua i bin kamap long Pyongyang, biksiti bilong Not Korea.

Wanpela kontraksen bosman tu i tok sori long ol pipel. Ripot i kam long AFP i tok dispela pasin we gavman i tok sori long wanpela asua em i nupela kain samting long Not Korea, tasol ol i no tok klia hamas pipel tru i bin dai.

Nius bilong gavman i tok sori, em i namba wan nius i kamap bihain long dispela birua long Phyongchon distrik long Tunde.

Opisal KCNA nius ejensi i tok ol i no bin wokim gut dispela apatmen haus.

KCNA i tok ol i pinis nau long mekim wok bilong helpim na sevim ol pipel long dispela bilding long Sarere, tasol ol i no tokaut long hamas pipel tru i bin dai o kisim bagarap.

Las tokorait bilong Australia na Kambodia

Gavman bilong Kambodia i tok wanpela komiti bilong en i wok long skelim tingting long wanpela refuji dil wantaim Australia.

ABC ripot i tok gavman bilong Kambodia bai tokaut long tingting bilong en na hamas mani ol i laik gavman bilong Australia i givim. Na bihain long dispela bai ol i sainim wanpela agrimen o Memorandum of Understanding (MOU).

Australia na Kambodia i no laik tokaut long olgeta samting ol i toktok long en tasol ol ripot i tok bai ol i salim samting olsem wan tausen refuji tru long Australia i go long wanpela long tarangu kantri long wol.

Kambodia i bin sainim pepa bilong Refuji Konvensen tasol long 2009 em i bin rausim 20 Uighurs pipel i go bek long Saina.



YUT IGAT WOK MISIN (YWM): Tupela yangpela meri memba bilong Yut wantaim Misin (YWM) i save kam olgeta yia long sip bilong ol long givim ol volantia sevis bilong ol long mekim ol wok misin, na long helt na edukesen i go long ol rurel ples we ol pipel i painim hat long kisim gavman sevis. Galp na Westen Provins em tupela eria we YWM yut na ol volantia dokta, dentis, nes na ol arapela moa bilong Australia, Nu Silan na ol arapela kantri moa. Poto i soim Ati Wobiro, Gavana bilong Westen Provins i givim presen long tupela YWM volantia. *Poto: Nicky Bernard*



WOK REDI: Ol wok redi long Melanesia Ats Festival (MAF) i go het nau long Mosbi we dispela bikpela festival bai kamap, stat long neks mun Jun 28. Ol Melanesien kantri olsem Vanuatu, Solomon Ailan, Fiji, Nu Kaledonia na PNG bai kamap na soim ol kain kalsa na tumbuna pasin, singsing, danis, ats na kraf na ol arapela moa. Wes Papua na Is Timor bai kam tu. *Poto: Nicky Bernard*



NAISPELA PLES: Sampela pikinini Isten Hailans i amamas lukluk long sampela selebresen. *Poto: Tim Scott*



KOMENTRI

Wansait divelopmen na ol politisen i bagarapim laip bilong pipel

POLITIKS em i wanpela kain wok we i no gat trupela toktok o giaman toktok. Yu harim na yu tet i skelim sapos i trupela o nogat. Planti toktok yumi harim em i mauswara tasol. Long taim bilong kamapim gavman ol agrimen ol politikal pati i sainim i no gat mining bilong en.

Yumi save lukim dispela pasin i kamap oltaim bikos i no gat wanpela politikal pati i save kisim inap vot long kamapim gavman. Koalisen gavman, o gavman we moa long wanpela pati i bung long inapim namba na kamapim gavman, bai stap oltaim long PNG inap taim we wanpela pati i strong tru na i winim inap namba bilong em yet na kamapim gavman. Tasol yumi no save wanem taim dispela kain gavman bai kamap.

I bin gat lo i kamap long strongim gavman we vot bilong bilip bai i no inap kamap klostu klostu na bagarapim gavman. Ol pipel i amamas long taim palamen i mekim dispela lo. Orait palamen i senisim lo gen na skruim dispela taim i go moa yet we gavman bai holim wok yet inap klostu long narapela nesenele ileksen gen. I gat gutpela na nogut bilong dispela disisen bilong gavman. Tasol yumi larim ol politisen i ken pulim na taitim namel long ol yet.

Bihain long las nesenele ileksen, ol politikal pati i bin go bung long



William Duma

Alotau na ol i pasim tok long kamapim gavman. Na ol i sainim wanpela agrimen namel long ol yet long sanap wantaim long gavman inap long narapela nesenele ileksen. Olgeta i ting dispela agrimen bilong ol i trupela toktok na bai was long ol inap long ol pipel i vot long narapela ileksen. Tasol sori tru, i luk olsem ol toktok long dispela agrimen i no gat as long en. Bihain long praim minista i rausim lida bilong tupela pati long gavman bilong em, yumi lukim tret i holim ol dispela pati i stat long lus.

Long dispela wik yumi lukim 4-pela memba bilong wanpela bikipela pati long gavman i lusim pati bilong ol. Ol i tok ol i laik stap wantaim gavman bikos ol i laik gavman sevis i mas kamap long ilek-



Don Polye

toret na provins bilong ol. Dispela em i politiks na PNG i gat nem long larim politiks i bagarapim gutpela plen na program bilong helpim ol pipel long olgeta kona bilong kantri. Long taim dispela kain bel hevi i stap namel long ol lida, i no gat wanpela gutpela samting bai kamap long helpim pipel husat i makim ol long Palamen.

Ol pipel bilong kantri i wok long kisim taim. Long planti ples i no gat gutpela helt sevis na ol mama na pikinini i wok long dai. Long pes 7 bilong *Wantok* i gat stori bilong wanpela mama i dai bikos i no gat rot na marasin long helt senta long ples. Helt senta i pas inap 6-pela mun nau bikos i no gat marasin. Helt woka i go long taun long painim marasin na em i no bek yet



PM Peter O'Neill

long ples. Na ol pipel i wok long askim nau long Palamen memba bilong ol bai mekim wanem. Em i stap long Mosbi na i no save long hevi bilong ol pipel.

Dispela stori i no nupela, olgeta ples long PNG i gat sori stori bilong ol long ol pipel i kisim taim bikos i no gat gavman sevis i kamap long ples. Helt na edukesen em tupela bikipela samting. Helt sevis i sevim laip bilong pipel na edukesen i givim save long ol pikinini husat bai karim nem bilong PNG long bihain taim. Sapos i no gat sevis i kamap long ol ples nau, bai sevis i kamap long bihain taim o nogat. Rot tu em i wanpela bikipela hevi planti ples i bungim. I no gat gutpela rot bai i no gat kar i go na karim ol saplai i go long haus sik na skul o karim ol sik-



Patrick Pruaitch

man i go long bikipela haus sik.

Ol bikipela divelopmen na senis i wok long kamap long Pot Mosbi. Planti milien Kina tru i wok long kapsait i go long kamapim ol bikipela projek. Gavman i wok long kisim ol bikipela dinau long ol ovasis benk we kantri bai spendim longpela taim na bikipela intres long bekim ol dispela dinau. Narapela askim em sapos ol dispela dinau i bilong helpim sindaun na laip bilong ol pipel bilong kantri o bai i go long ol kamapim wok long ol bikipela siti tasol. Ating em i taim bilong skelim na luksave sapos divelopmen i wansait o i balens. Ating bai skel i muv i go long wanpela sait tasol na bikos ol lida i lusim ting long planti moa milien pipel bilong kantri.

Taiwan Tred Misin givim moa long K27,000 helpim

Veronica Hatutasi i raitim

TAIWAN Tred Misin (TTM) i joinim ol 24 sios, bisnis haus, gavman na NGO grup long kantri long givim helpim i go long ol pipel bilong Milen Be Provins we Saiklon Ita i bin bagarapim ol long las mun.

Long dispela wik, TTM i kamap olsem namba wan ovasis misin long PNG i givim K27,500 i go long Gavana bilong Milen Be, Titus Philemon.

Man i makim TTM long PNG, Daniel Hu, i tok em i makim ol pipel bilong Ripablik bilong Saina (ROC) long Taiwan long soim sori na laik pasin long helpim ol lain i bungim hevi.

Mista Hu i tok Taiwan em i memba long Pasifik komyuniti na taim ol klostu kantri i kisim taim nogut, kantri bilong em i redi long helpim na gutpela sindaun na bel isi pasin i ken stap long rijon.

Em i tok TTM i luksave long fan resing wok we Milen Be humeniterien apil komiti i mekim long Mosbi na tu, pasin brata i stap strong namel long ol PNG pipel long helpim wanpela narapela.

Taiwan i gutpela pren wantaim PNG na long sampela yia nau, em i strongim wok long sait bilong egrikalsa, tred, fiseris, helt, edukesen na kalsa.

Taiwan em i wanpela bikipela baia bilong PNG LNG.

"Dispela donesen em i liklik



TAIWAN GIVIM: (L-R) Ellen Hu em meri bilong TTM bosman, Daniel Hu, Gavana Titus Philemon na egrikalsa opisa wantaim Milen Be Provinsal Gavman long taim bilong givim K27,500 donesen long Palamen haus long Tunde. *Poto: Veronica Hatutasi*

mak bilong wok pren namel long PNG na Taiwan. Mipela i wari long pen na hevi we Saiklon Ita i kamapim long ol pipel bilong Milen Be, na mipela i ting olsem dispela liklik donesen TTM i givim bai helpim ol pipel," Mista Hu i tok.

Long wankain taim, Gavana Philemon i autim bikipela

tok amamas long Mista Hu long helpim mani em i givim, na tok TTM i soim bikipela laik long helpim divelopmen bilong Milen Be Provins.

Mista Philemon i tok bihain long wokabout bilong Mista Hu i go long Milen be las yia, TTM na Milen Be Provinsel Gavman i wok long sampela divelopmen projek long

egrikalsa na moa yet long rais, poteto na siwid.

Mista Philemon i tok moa log 20,000 pipel long Yeleyamba, Louisiade na Bwanabwana Lokal Level Gavman long Samarai-Murua distrik na Suau, Huhu, Weraura na Makamak LLLG long Alotau i kisim bikipela hevi taim Saiklon Ita i bin bagara-

pim ol gaden kaikai, ol haus, skul, helt senta, etpos na ol kakau, kokonas na ol samting bilong salim na kisim mani long ol.

I kam inap nau, ol Milen Be Disasta Apil Komiti i kisim pinis K481,080 i kam long ol sios, bisnis haus, ol skul, gavman, bisnis na ol NGO

grup long Milen Be na ausait.

Taim Mista Philemon i tok tenkyu long olgeta lain long helpim bilong ol, em i askim olgeta long skruim sapot.

Long dispela wiken, bai kopret fan resing dina i kamap long Palamen Stet Fansen rum we wanpela tebol 10-pela pipel i sindaun long en

WANTOK

Published Weekly, Thursday, for
Word Publishing Company, Ltd.
P.O. Box 1982, Boroko, NCD
Papua New Guinea
Telephone: (675) 325 2500
Fax: (675) 325 2579
Email: editorial@wantok.com.pg
Websait: www.wantokniuspepa.com
Pe bilong wanpela yia, 52 niuspepa

| | |
|-----------------------|-------------|
| Ples: | Air: |
| PNG | K220.00 |
| AUSTRALIA | US\$110.00 |
| ASIA PACIFIC na JAPAN | US\$150.00 |
| AMERICA na EUROPE | US\$210.00 |

General Manager
Elizabeth Konga

Acting Editor
Veronica Hatutasi

Published at
Able Building
Complex,
Sec 58 Lot 02,
Waigani Drive.

Word Publishing Company Limited is owned by the four major churches of Papua New Guinea - Catholic 65%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

Wok redi nau long Melanisen Ats Festi-

LONG tupela wik long mun Jun na Julai long dispela yia, PNG bai lukim ol kain kain kalsa na tumbuna pasin bilong ol Melanisen kantri brata na susa bilong yumi.

Dispela em taim ol kantri olsem Solomon Ailan, Vanuatu, Fiji, PNG na tu, Timor Leste, Wes Papua na Nu Kaledonia, i holim tupela wik na namba 5 Melanisen Ats Festival (MAF) long PNG.

Festival bai i no kamap long Mosbi tasol, nogat. Em bai kamap tu long ol arapela ples olsem Alotau long Milen Be, Kokopo long Is Nu Briten, Wewak long Is Sepik na Goroka long Isten Hailans Provins.

Taim i wok long kam klostu na ol dispela 6-pela provins i mekim ol wok redi long holim MAF.

Long festival, ol pipel bai soim ol kalsa, tumbuna pasin, ol singsing danis, ol stori, ol henkraf na moa.

Long dispela taim ol wan wan kantri i ken glasim ol kalsa na pasin tumbuna bilong wanpela narapela tu.

Long las wik, Alotau i bin lonsim Sauten Rijon satelait hap we ol bai holim MAF long en long Milen Be Provins na Minista bilong Turisim na Kalsa, Boka Kondrea i bin opim.

Mista Kondrea i bin tok amamas long Gavana bilong Milen Be, Titus Philemon, na pipel bilong em long tok yesa olsem wanpela satelait ples we MAF bai kamap long en.

Mista Philemon i bin autim tok amamas long minista i makim Alotau long lonsim festival na em bin tok tu olsem Milen Be i wok long kamap olsem wanpela turis kapital bilong PNG.

Dispela em bihain nesanel gavman i bin wokim disisen long las yia long makim Milen Be Provins long ol turis sip i go long en.


I kam inap nau, Alotau, Kaibola, Kitava na Doini i lukim samting olsem 10,000 turis i kamap long ol ailan bilong ol.

Long wankain taim, ol lain long Aroma Kos, Sentral Provins i redim ol kanu bilong ol ol i kolim long mong bilong karim ol bikman bilong Melanisen Spiahet Grup (MSG) long statim festival.

Ol i kisim ol dispela kanu i kam pinis long Gerehu insait long Mosbi siti long vanisim na stretim ol gut long redi long festival.

Wanpela yut grup bilong Aroma Kos yet i wok long dispela ol kanu. Pe bilong wokim wanpela kanu em K4,000.

Long Mosbi tu, ol i redim ples bilong holim festival na ol i wok long sanapim ol haus na ol narapela samting long Waigani, klostu long Palamen we ol ektiviti bai kamap.



Poto 1 na Poto 2 i soim ol kain tumbuna haus long PNG. Poto: Nicky Bernard



Poto 03: KAVING: Wanpela atis man bilong Galp Provins i wokim kaving na droing. Ol wan bai soim planti kain kaving na henkraf olsem long festival. Poto: Nicky Bernard



Poto 05: Ol skul pikinini long Alotau, Milen Be i redi long danis long taim bilong lonsim ol satelait ples long holim MAF las wik. Poto: NCCMidia



Poto 04: Poto 4 na 6 i soim mong o kanu we ol Aroma Kos yut i wokim. Klostu ol i pinis long wokim ol, olsem poto i soim. Poto: NCCMidia



Program bilong Wanwan De

De - Mande - Fraide

6am - 10am - Sankamap show - Host: Kas.T
 6:00am - Major Nius Bulletin
 6:15am - Komuniti Notis Bod
 6:25am - Taim Bifo - wanpela singsing blong bifo.
 6:30am - Nius Hetlains
 6:45am - Bonde grins
 7:00am - Major Nius Bulletin - YUMIFM Nius Senta
 7:05am - YU TOK - komiuniti awenes program
 7:15am - WAN 4 DA ROAD - Hit Prediction - niupela singsing
 7:30am - Tok Pilai - stori blong putim smail long nus pes.
 8:00am - Major Nius Bulletin - YUMIFM Nius Senta
 8:05am - YU TOK - komiuniti awenes program
 8:15am - "Papa Heni Fuka Show".
 9:00am - Nius Bulletin - YUMIFM Nius Senta
 9:15am - Luksave long Komuniti (Radio Pilai) Fraidei

Tasol
 9:30am - Final aua cruz
 10am - 3pm - Morin Trek na Belo Pack - Host: Mummy DASH
 10:00am - Major Nius Bulletin - YUMIFM Nius Senta
 10:05am - YU TOK - komiuniti awenes program
 10:15am - Kona blong yu.
 10:45am - YUMI PANIM WOK Segment
 11:00am - Nius - YUMIFM Nius Senta
 11:05am - YU TOK - komiuniti awenes program
 11:10am - Lukautim yu yet - Helt toktok
 11:30am - Nius Hetlains blong Belo Taim - Laik blong yu - Niupela singsing previu
 12:00pm - Major Nius Bulletin - YUMIFM Nius Senta
 12:05pm - YU TOK - komiuniti awenes program
 12:10pm - BELO Pack - Belo taim rekwas na dedikesen
 12:15pm - Komuniti Notis Bod
 12:20pm - BELO Pack - Belo taim rekwas na dedikesen
 1:00pm - Nius - YUMIFM Nius Senta
 1:05pm - YU TOK - komiuniti awenes program
 1:10pm - BELO Pack - Belo taim rekwas na dedikesen

2:00pm - Major Nius Bulletin - YUMIFM Nius
 2:05pm - YU TOK - komiuniti awenes program
 2:45pm - YUMI PANIM WOK Segment
 3pm - 7pm - Avinun Draiv Taim - Host: Vaviessie
 3:00pm - Nius - YUMIFM Nius Senta
 3:05pm - YU TOK - komiuniti awenes program
 3:10pm - Avinun cruz
 4:00pm - NIUS - YUMIFM Senta
 4:05pm - YU TOK - komiuniti awenes program
 4:10pm - FOAPELA KAM GUD LONG 4 - foapela singsing
 4:30pm - Nius Hetlains
 4:45pm - YUMI PANIM WOK Segment
 5:00pm - Major Nius Hetlains - YUMIFM Nius Senta
 5:05pm - YU TOK - komiuniti awenes program
 5:10pm - 6:00pm - KULCHA Musik (1 hr) skelim lokal musik 6pm - 7pm
 - NAIT BEAT - Host: Vaviessie
 6:00pm - MAJOR NIUS BULLETIN - YUMIFM NIUS SENTA
 6:05pm - YU TOK - komiuniti awenes program

6:10pm - 7:00pm Mon kamap sho
 6:45pm - Komuniti Notis Bod
 7:00pm - 9:00pm - COCA COLA GARAMUT - Host: Angra Kennedy
 7:00pm - Nius - YUMIFM NIUS SENTA
 7:05pm - YU TOK - komiuniti awenes program
 9:00pm - 00am - Nait Beat - Isi Cruz long nait
 00am - 6am - BRUKIM TULAIT SHOW - Host: Tuluvan Vitz/Talaigu Sopi/Bata Rat
 00:00 - Early Monin Taim Cruz (ol lain brukim tulait shift)
 - Musik / Request / Tok pilai
 - Kipim Kampani long ol nait shift.
Wikens - Sarere
 6am - 10:00am - Wiken Sanrais Host: Talaigu Sopi
 7am - 9am - Sarere Monin Cruz
 9am - 11am - Monin Treks
 11am - 1pm - National Weekly Hit Parade - Host: Kasty - 1st aua NWHP
 12:00pm NIUS - YUMIFM Nius Senta
 12pm - 1pm - 2nd aua NWHP

Sarere belo cruz - Host: Tuluvan Vitz
 1pm - 2pm - Sarere Belo Taim Dedikesen
 2:00pm NIUS - YUMIFM Nius Senta
 2pm - 6pm - Sarere Avinun Cruz
 6:00pm NIUS - YUMIFM Nius Senta
 6pm - 00:00am - Nait beat
 7pm - 9pm - Coca Cola Garamut
 9pm - 00:00am - Nait cruz
 00:00am - 6am - Brukim Tulait Show
 Wiken - Sandei
 6am - 10am - Wiken Sanrais / Sandei Monin wokabout Musik
 10am - 12noon - Monin Treks
 12noon NIUS - YUMIFM Nius Senta
 12 - 2pm - Sandei Belo Taim Music
 2:00pm NIUS - YUMIFM Nius Senta
 2pm - 6pm - Sandei Avinun Draiv Musik
 6pm - Nius - YUMIFM Nius Senta
 6pm - 8pm - GOSPEL REKWES AUA
 8pm - 00:00am - Late Nait Cruz - Poroman Aua
 00:00am - 6am - Brukim Tulait Show
Program Director - YUMIFM - Kasty

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Spots
 7.30PM Nius na Karen Afecas
 8PM Helt
 8.15PM Musik
 8.30PM NIUS
 8.40PM Spots Riplei
 8.55PM Musik
 9PM Stesen Pas

TUNDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Mama Graun
 8.15PM Musik/Spots
 8.30PM NIUS
 8.40PM Helt Riplei
 8.55PM Musik
 9PM Stesen Pas

TRINDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Focus
 8.15PM Musik/Spots
 8.30PM NIUS
 8.40PM Mama Graun Riplei
 8.55PM Musik
 9PM Stesen Pas

FONDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Youth
 8.15PM Musik/Spots
 8.30PM NIUS
 8.40PM Focus Riplei
 8.55PM Musik
 9PM Stesen Pas

FRAIDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Wantok
 8.15PM Musik
 8.30PM NIUS
 8.40PM Youth Riplei
 8.55PM Musik
 9PM Stesen Pas

SARERE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Wantok
 8PM Lokal Ben
 8.30PM Nius
 8.40PM Musik/Chit Chat
 9PM Stesen Pas

SANDE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Femili Blong Serah (Radio Plei)
 8PM Lukluk Bek Long Wik
 8.30PM Nius
 8.40PM Musik/Chit Chat
 9PM Stesen Pas

Raun wantaim Wantok kru ...

Namba 10 Yumi FM musik awod

PNG bai lukautim ol bikpela bung

Nicky Bernard i raitim

PAPUA Niugini i wok long kisim bik nem nau long lukautim ol bikpela bung na lukautim tu ol narapela kantri long Pasifik.

Long dispela wik bikpela bung bilong ol lokal level gavman (LLG) i bin kamap long Pot Mosbi. Olgeta lida bilong wan wan LLG long Pasifik Ailan i bin kam stap long dispela bung. Praim Minista Peter O'Neill i bin opim dispela bung long Tunde.

Dispela bung bilong ol LLG nau i opim rot bilong ol narapela bung bai kamap long PNG. Long mun Jun bai Melanesia Arts na Kalsa Festival i kamap long 28 Jun i go pinis long 11 Julai.

Dispela festival bai bikpela tru long wanem PNG bai soim ol narapela kantri olsem yumi ken lukautim ol bikpela bung olsem.

Planti ol liklik provins tu bai holim dispela Arts na Kalsa Festival. Ol dispela liklik provins tu bai soim kala bilong ol long lukautim ol narapela Melanesia kantri na soim olsem yumi PNG i gat kain kain kalsa bilong yumi stap na i no dai yet.

I tru olsem planti ol narapela kantri i save ting olsem PNG em i no gutpela kantri long go stap long wanem yumi gat ol raskol pasin.

Tasol nau planti kantri bai luksave long yumi PNG long wanem namba wan ges bilong yumi i go aut nau na wol i luksave long kantri bilong yumi. Planti bilong ol bisnis manmeri bai no inap isi long kam insait long kantri bilong yumi.

Tru olsem ges i kam antap



long Hela tasol nem PNG ol karim long givim kantri nem bilong yumi go long wol so yumi ol

manmeri bilong Papua Niugini mas amamas long dispela. Kalsa festival tasol bai soim

bilas na pasin tumbuna bilong yumi na bai opim ai bilong ol narapela kantri.

EMTV Television Guide

FONDE ME 22, 2014

4:30 AM G **AUSTRALIAN NETWORK**
 5:00 AM G **JOYCE MEYER**
 5:30 AM G **EMTV NEWS REPLAY**
 6:30 AM G **TODAY**
 09:00 AM G **Classroom Broadcast**
 9:00am Grade 6 Mathematics
 9:50am Grade 6 Science
 10:40am Grade 7 Mathematics
 11:20am Grade 7 Science
 1:00pm Grade 8 Mathematics
 1:50pm Grade 8 Science
 2:30pm DEPI Program
 3:30 PM **KIDS KONA**
 HI 5 S10 EP#15/43
 MAGICAL TALES S2 EP#18/31
 PYRAMID S2 EP#35/68
 THE SHAK S3 - EP#31/42

5:30 PM G **TRAPPED CASTAWAY EP#24/26**
 6:00 PM G **EMTV NATIONAL NEWS**
 7:00 PM G **RAIT MUSIK EP#210**
 8:00 PM G **RESOURCE PNG Ep#17**
 9:00 PM G **SOKA XTRA**
 9:10 PM G **FIJI NETBALL TRI-SERIES**
 PNG vs. NORTHERN IRELAND
 9:30 PM PG **ENGLIS MUSIC ZONE EP#2014/16**
 10:00 PM PG **NRL FOOTY SHOW - EP#10**
 11:30 PM G **NEWS REPLAY**
followed by the Australia Network

FRAIDE ME 23, 2014

4:00 AM G **AUSTRALIAN NETWORK**
 5:00 AM G **JOYCE MEYER**
 5:30 AM G **EMTV NEWS REPLAY**
 6:30 AM G **TODAY**
Classroom Broadcast

9:00am Grade 6 Mathematics
 9:50am Grade 6 Science
 10:40am Grade 7 Mathematics
 11:20am Grade 7 Science
 1:00pm Grade 8 Mathematics
 1:50pm Grade 8 Science
 2:30pm DEPI Program
 3:30 PM **KIDS KONA**
 HI 5 S10 EP#16/43
 MAGICAL TALES S2 EP#19/31
 PYRAMID S2 EP#36/68
 THE SHAK S3 - EP#32/42
 5:30 PM G **SKIPPY - The Medicine Man**
 5:55 PM G **CRIME STOPPERS**
 6:00 PM G **EMTV NATIONAL NEWS**
 7:00 PM G **IN MORESBY TONIGHT -**
 2014 NRL - ROUND 9
 ROOSTERS vs. WEST TIGERS
 7:30 PM G **2014 NRL - ROUND 9**
 9:30 PM G **2014 NRL - ROUND 9**
 COWBOYS vs. BRONCOS

11:30 PM G **FIJI NETBALL TRI-SERIES**
 FIJI vs. NORTHERN IRELAND
 00:00 AM G **EMTV NEWS REPLAY**
 followed by the Australia Network

SARARE ME 24, 2014

4:30 AM G **AUSTRALIAN NETWORK**
 6:00 AM G **EMTV NEWS REPLAY**
 7:00 AM G **IN HIS STEPS EP#18**
 7:30 AM G **TBA**
 8:00 AM G **YOGA CITY - Re-run Ep#9**
 8:30 AM G **AMAZING SPIEZ - EP#18**
 9:00 AM G **ESCAPE FROM SCORPION IS LAND EP#23/30**
 9:30 AM G **ULTIMATE GUINNESS WORLD**
 10:00 AM G **TRAPPED CASTAWAY EP#24/26**
 10:30 AM G **SKIPPY**
 11:00 AM G **AUSTRALIAN NETWORK**

2:30 PM G **QRL INTRUST CUP - ROUND 11**
 SP HUNTERS vs. W/MANLY SEAGULLS
 5:30 PM G **OLSEM WANEM EP#17**
 6:00 PM G **EMTV NATIONAL NEWS**
 6:30 PM G **2014 NRL - ROUND 9**
 WARRIORS vs. RAIDERS
 8:30 PM G **2014 NRL - ROUND 9**
 TITANS vs. RABBITOHS
 10:30 PM G **NATIONAL EMTV NEWS REPLAY**
 11:00 PM G **IPL 2014 MATCH**

SANDE ME 25, 2014

3:30 AM G **AUSTRALIAN NETWORK**
 6:30 AM G **EMTV NEWS REPLAY**
 7:00 AM G **HILLSONG**
 7:30 AM G **AUSTRALIAN NETWORK**
 8:00 AM G **YOGA CITY EP#10/13 - Re-run**
 8:30 AM G **BUSINESS PNG YR.3 EP#16**
 9:00 AM G **TOTALLY SPIES EP#9 - RE-RUN**

TORO



BIABIA



KANAGE



KROSWOD

- Antap
1 Dekoresen
5 Bikpela riva long PNG
8 Wanpela spot
11 Mani masin
12 Tude yet
13 Luksave kad
14 Nem bilong meri
16 I no hatwok
17 Ples bilong baim dring
19 Bilong lukluk
20 Taitel bilong ol jas
22 Fiksim
26 Nem bilong man
27 We ol sip i anka
28 Spia bilong painim pis
30 Enimal
31 Lain i wokim gaden na lukautim enimal
34 Yunivesiti
37 Mak bilong kompas
40 Wanpela stet long Australia
41 Par
43 Mambu bilong pulim smok
44 Esso Highlands i go pas long dispela bikpela risos bisnis
45 Wanpela ples long Rigo distrik
46 Atoni Jeneral
48 Liklik tamiok
50 Jisas i askim meri bilong dispela ples long givim em wara
56 Bikpela siti long PNG
57 Trabel i kamap sapos i no gat dispela tupela samting
59 I gat sevenpela long wan wik
60 Tul bilong katim timba
61 Kontena we kaikai i stap long en
62 Ol soldia
63 Yunaitet Nesen
65 Giaman
67 Liklik
69 Narapela nem bilong Oro provins
73 Moningtaim
74 Wanpela kaikai bilong gaden
75 Pris
Daunbilo
1 Mak i brukim tupela ples
2 Bihain tru
3 Tuna
4 Salim teks long mobail fon
5 I no sindaun
6 Sais bilong samting
7 Lephon
9 Bilong opim lok
10 Ples we yu stap o wok long en
15 Atoni Jeneral
16 IT skul long Mosbi
17 Kala bilong doti wara
18 Wara i kol tru na kamap strong
21 Haia long balus
23 Hait namba bilong ATM kad
24 Wanpela politikal pati
25 Antap bilong haus
27 Kakaruk
28 Pasim ai
29 Bilas bilong han
32 Aigris
33 Wara pundaun long skai
35 Lukautim ol intenesenel skul long PNG
36 Wanpela lida bilong Saina
38 Strongpela win na ren
39 Ol 12-pela man i bihainim Jisas
42 Politikal grup long Palestain bipo
47 Stia bilong bot
49 Yau
51 Narapela nesanel tokples bilong PNG
52 Kurakum
53 Ol lain i save ran
54 Yes long tok Motu
55 Wanpela nupela provins
58 I no profesenel
60 Sista
64 Kampani save salim kago kwiktaim
65 Bilong putim wara
66 I no aut
68 Wankain olsem 49
70 I no pas
71 Wanpela muvi bilong Steven Spielberg
72 Mak bilong kompas

SUDOKU

9x9 Sudoku grid with numbers 1-9 in various positions.

Ansa bilong las wik Sudoku # 45

9x9 Sudoku grid with numbers 1-9 in various positions.

Ansa bilong Sudoku # 46 neks isu

10x10 crossword puzzle grid with numbers 1-75 indicating starting points for words.

- 29 Bilas bilong han
32 Aigris
33 Wara pundaun long skai
35 Lukautim ol intenesenel skul long PNG
36 Wanpela lida bilong Saina
38 Strongpela win na ren
39 Ol 12-pela man i bihainim Jisas
42 Politikal grup long Palestain bipo
47 Stia bilong bot
49 Yau
51 Narapela nesanel tokples bilong PNG
52 Kurakum
53 Ol lain i save ran
54 Yes long tok Motu
55 Wanpela nupela provins
58 I no profesenel
60 Sista
64 Kampani save salim kago kwiktaim
65 Bilong putim wara
66 I no aut
68 Wankain olsem 49
70 I no pas
71 Wanpela muvi bilong Steven Spielberg
72 Mak bilong kompas

EMTV Television Guide

Table with 4 columns showing TV schedules for 9:30 AM G, 5:00 AM G, 6:00 PM G, and 2:30pm. Includes programs like OLSEM WANEM, JOYCE MEYER, EMTV NEWS REPLAY, TODAY, CLASSROOM BROADCAST, TUNDE ME 20, 2014, HAUS & HOME, BUSINESS PNG, THE VOICE AUSTRALIA, FIJI NETBALL TRI-SERIES, TUNDE ME 21, 2014, JOYCE MEYER 1077-3, and DEPI Program.

Ol Progam na Kilok i ken tenis oltaim...



Teksim Wari, Tingting, Painim Pren, Wantok o Pas bilong yu i kam nau..
Digitel namba: 7235 6149

Raun wantaim Kanage olgeta wik

San na mun

Kanage wantaim poroman bilong em Orike pilai snuka long haus bilong Kanage. Sampela meri Kerema go long haus bilong Kanage long kisim wara long paip wara bilong Kanage long wanem ol nogat wara long hap bilong ol. Orike lukim ol meri Kerema wok-about go arere long haus na em giaman na tokim Kanage, "Aiyo, perendo! Bikipela kus stret pas long trausis bilong yu ya!" Kanage paul olgeta na hariap tru rausim trausis bilong em. Ol meri Kerema lukim Kanage sanap as nating na wanpela bilong ol tok, "Aiyo, san tasol bikipela mun kam aut." Kanage harim olsem na bekim, "Sapos mun i sain long ai bilong yu, yu bai tingting na pilim olsem yu stap long mun ya." Meri ya harim bekim bilong Kanage na em tok, "Ating mun ya i mas i gat strongpela lait bilong paulim tingting bilong man gen ya."

Wopa Mote Mosbi.

Husat i papa?

WANPELA meri Yauro i go stap long Aus-



tralia i go na kam bek long ples bilong em. Taim em i kam bek long ples, em i gat bel. Em nau ol bik man long ples i bung na sindaun toktok long painim aut husat i givim em bel. Taim ol bikman i askim meri yah, em i no toktok. Long wanem meri yah i no save long tok ples na tok pisin, em save long tok inglis tasol. Ol i askim i go nogat na Kanage i kirap na askim meri ya olsem, "Who bel yu?" Taim ol bikman i harim Kanage i tok olsem, ol i holim pasim bel bilong ol na sindaun i stap. Mekim na meri Yauro ya sem pipia stret.

Gwen Toroks MADANG.

Yu laki man ya

KANAGE tokim liklik pikinini bilong em long go baim mutrus bilong em na pikinini

tok em i les. Em nau Kanage belhat na kirap paitim em. Meri bilong Kanage harim pikinini krai na em i siksti kam ausait long haus na askim Kanage. "Kela bun bun, yu pitim nating pikinini long wanem?" Kanage kirap na tokim meri bilong em olsem. "Mama yu noken askim mi dispela kwesten, samting mi wok hat na dispela pikinini kamap, olsem na sapos em i bikhet, mi gat olgeta rait long paitim na skulim em." Em nau meri bilong em kros na kirap tokim em. "Dispela wok bilong wok hat na kamapim ol pikinini yu save tumas. Tasol long wokabout i go na baim mutrus yu pilim skin les." Meri bilong em i tok olsem na mekim Kanage i belhat na kros nogut tru, na i kirap tokim meri bilong em. "Gutpela tru na yu kam maritim mi, na yu stap gut olsem na yu hambak. Ating sapos papa antap i no wokim mi, bai yu painim man i go nogat na bai yu go poromanim wanpela dok man na karim dispela yau pas pikinini ol i save kolim hapkas dok na sipsip.

Friedson Kipas BULOLO, LAE.

Dia Wantok Niuspepa, mangi Moko mikis bilong Langs Meto. Mi save laik tru long ritim Wantok Nius. Mi wanpela nupela ilektet wod kaunsel long Kapao LLGC Aseki Men.

Dia Wantok Nius, nem bilong mi Linda Siau Hikar. Mi bilong Wes Kerema (Ihu) na mi marit long Simbu – Kerowagi. Mi lus kontek wantaim ol lain bilong mi long Mosbi na Kerema. Plis ringim mi long dispela namba 7208 9077 na mi ken stap wantaim yupela.

Tenkyu, Linda -

Dia Wantok Niuspepa, mi wanpela man bipo wok olsem kiap o patrol opisa, i gat save long wok bilong gavman na publik administresen. Interes lain yu ken ringim mi long namba 7330 5164 o 7612 2898. Tenk yu, Wantok.

Dia Wantok Nius, mi laik soim bel hevi na wari bilong mi long Madang Pronvinsal Gavman wantaim Open memba bilong Raikos. Olsem wanem na ol no gat luk-save long mipela. Tenk yu!

Dia Wantok Nius, Wantok Niuspepa i olsem gutpela sevis long yumi ol lain i no save long tok Inglis. Em tasol na husat i laik sapot yu welkam.

Dia Wantok Niuspepa, mipela papa mama bilong Begesin long Madang provins i no amamas long wanem Brahman sekenderi skul i no save kisim stret ol pikinini bilong Usino Bundi na Gama i go long Braaman. Em i save kisim ol Katolik pikinini bilong arapela distrik tu i save i go skul long Brahman sekenderi. Dispela pasin ol i stret, mipela i askim gavman long kirapim wanpela haikul long Begesin na dispela i ken helpim olgeta pikinini bilong Usino Bundi na Gama stret. Mipela i askim Upper Ramu distrik DA wantaim administresen tim bilong em long lukluk long dispela wari bilong mipela. Tenk yu!

Dia Wantok Nius, mi laik soim bel hevi na wari bilong mi long Madang Pronvinsal Gavman wantaim Open memba bilong Raikos. Olsem wanem na ol no gat luk-save long mipela. Tenk yu!

Dia Wantok Nius, mi salim bel hevi bilong mi go long ol memba olsem gavana Powes Parkop tok long buai ban long NCD long TV. Mi lukim ol memba na ol man wan wok long kaikai na toktok long TV ya ol waitman tu was long Tv na lukim kantri stap. Man mi lukim long TV ol memba ol i laik toktok long ol pipel maus bilong ol i ret tru. Powes i no stopim ol. Yupela giaman long palamen i stap. Em tasol, tenk yu!

Ol skwat! Teksim ol gutpela Kanage tok pilai i kam long: Txt: 72356149

Sumatin i miksim edukesen wantaim ol drag o spakbrus na alkohol o strongpela dring

Dia Laiplain,
MI WANPELA sumatin man i gat 18 krismas na mi skul long wanpela nesenel hai skul insait long Nesenel Kapitel Distrik.

Papamama bilong mi i bruk marit na i no stap wantaim. Klostu ol bai divos bikos ol i no stap wantaim insait long las 10-pela krismas. Mi wokim Gret 12 na ol fainol eksam o tes i kam klostu nau. Mi pilim olsem bai mi wokim gut long Gret 12 eksam. Mi save olsem mi ken wokim gut, tasol samting em, mi gat ol wanlain poroman i stap long strit we mi groa bikipela wantaim.

Long planti yia, i nogat rot long abrusim ol na mipela i save dring wantaim, kaikai buai wantaim na olgeta de, mipela i save lukim wanpela narapela na bung. Maski mi gat planti skul wok, em i hat long mi long abrusim ol o tok no gat long ol.

Narapela wari mi gat em ol poro bilong mi ya i wok bihain long ol bin pinisim Gret 10 na go long sampela teknikel skul. Taim ol i kisim pe bilong ol, ol i save baim bia long mi. Mi wari bikos mi mas bekim pasin ol i mekim long baim bia bilong ol.

Mi nogat mani, tasol las mani we mi kisim long papamama bilong mi tasol. Long las tupela yia, mi wok long stilim mani bilong mama na susa bilong mi long baim bia bilong ol poroman. Mi no laik wokim dispela stil pasin, tasol taim ol poroman i singautim mi long dring wantaim ol, mi save wokim dispela asua gen. Mama na susa i save laik haitim mani bilong ol, tasol taim ol i kam bek long wok, skin bilong ol i save les na ol i save lusim walet bilong ol long ples klia na mi save kisim ol mani long K100 o K200 manimak.

Laiplain, mi no laik wokim dispela pasin moa na plis helpim mi. Mi pilim olsem mi wok long kamap wanpela stilman.

WORRIED STUDENT

Dia Pren,

Tenkyu long serim wari bilong yu wantaim mipela long bihain taim bilong yu we yu gat wari long em bikos papamama i no moa



stap wantaim. Mekim na yu raun wantaim ol manki na smok, dring taim yu sumatin yet. Mipela i luksave long yu na ol wari yu gat long skul na bihain taim bilong yu.

Mipela i save kisim ol wankain pas long planti lain insait long kantir bilong yumi. Mipela i luksave olsem laip em i hat taim papamama i no stap wantaim long sapotim yu long ol samting yu laikim long en. Mipela i luksave tu olsem tupela papa na mama i mas stap long lukautim na givim stia long ol pikinini long fisikel, spiritual na sosel sait. Na ol i ken mekim gut long skul na ol narapela samting long laip bilong ol.

Mipela i luksave olsem i no yu, tasol planti narapela pikinini insait long kantri i gat dispela kain wari we wanpela papa o mama tasol i lukautim ol i stap. As long ol dispela hevi em i ken pasin bilong ol waitman we mani, gat planti samting na moa o ol narapela samting we ol yet i save long en.

I moabeta yu toktok long papamama bilong yu long ol wari na hevi em bruk marit bilong ol i kamapim, na tokim ol long pilings bilong yu long dispela samting. Dispela i wok long kamap planti tude we planti yangpela pikinini i bungim hevi long selpis pasin bilong ol papamama husat i tingim ol yet na ol i ting olsem ol i smat na salensim wanpela narapela.

I moabeta yu no wari tumas long dispela samting, tasol yu toktok long papamama bilong yu na ol i ken painim rot long helpim yu. Ol i laikim yu na putim yu i go long skul, tasol ol i mas sapotim yu. Em i taim nau yu toktok long ol long wokim bel gut pasin namel long ol.

Mipela i bilip olsem taim yupela i sindaun na toktok, bai dispela i givim yupela sans long rispektim ol yet na luksave olsem ol i marit na ol i gat bikipela pikinini na ol i ken helpim yu, na yupela olgeta i ken amamas

olsem famili.

Pren, yu wari long smok na dring raun wantaim ol poroman husat i mekim na yu wok long stil long mama na susa bilong yu. Mipela i tokim yu stret olsem taim yu raun wantaim ol manki ya, bai yu stil yet long mama na susa bilong yu. Na ol bai kisim polis long yu husat bai holim pasim yu.

Yu ken lukim olsem hevi long famili i ken bagarapim skul na bihain taim bilong yu, na em i ken go nogut sapos yu no harim na bihainim gutpela stia.

I moabeta nau yu abrusim ol dispela poroman bikos dring na smok na i no mekim ol skul wok bai bagarapim yu na bihain taim bilong yu.

Malolo liklik na tingim ol samtign mipela i tokim yu long en. Askim yu yet olsem disisen yu wokim long pas wantaim ol poroman bai kamapim wanem gutpela samting long laip bilong yu, skul na bihain taim. Stilim mani na dring i kamapim gut laip bilong yu na yu save bungim hevi tu?

I moabeta yu tok tru long yu yet na toktok long papamama o man o meri yu gat luk-save long en long helpim yu daunim hevi. I moabeta yu joinim wanpela yut grup we i strongim ol yut long gat gutpela helti na produktiv laip. Inap yu joinim wanpela sios na yut grup?

Bikipela i laikim yu na gutpela long bihain taim bilong yu, na olsem , trastim em tude. Provebs 3: 5,6.

Pren bilong yu, Laiplain

Sapos yu gat wari o hevi, rait i kam long dispela etres: Lifeline Counselling Services, P O box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu.

Laiplain

Nupela lon prodak ken givim isi dinau mani

Lydia Esong i raitim

lon.

Dispela lon sevis i bin stat long de ol i tokaut long en long Me 8. Bilong kisim lon aplikesen, ol kastoma i ken go long internet na kisim lon fom long websait adres; www.fincorp.com.pg long olgeta hap bilong kantri. Sapos wanpela kastoma i ring long mobail em bai kisim 5 minit tasol long kisim lon apruval bilong em, maski em i stap insait long wanpela bus ples we i no gat rot long en.

Mista Bakani i tok, planti lain i stap long rurel ples i save kisim 3 o 4 rot bilong transpot long go kamap long taun long wokim benk wok bilong ol. Planti taim ol i kisim mani em i save go long baim olgeta transpot fi ol i kisim long go i kam. Na ol i kisim liklik mani tasol i go bek o long baim ol samting bilong famili. Tasol nau FinCorp i

kamap wantaim nupela 'pri-apruv lo prodak' we ol i bilip bai senisim tru laip bilong ol pipel.

Dispela kain sevis em ol i save yusim long Australia inap long sampela taim nau, tasol em i namba wan taim long dispela kain pasin bilong benk i kamap long PNG.

Mista Bakani i tok, "Em i gutpela long lukim olsem FinCorp i bihainim ol narapela fainens kampani long bringim sevis i go long 85 pesen bilong ol pipel bilong yumi insait long rurel eria we ol i no save wokim benking. Liklik lain tasol i save kisim sevis long benk na i ken gat benk akaun na kisim lon o dinau mani long ol fainens kampani.

FinCorp em i wanpela bilong ol fainens kampani i stap insait long 2014-2015 Fainensel inklusen grup.



L-R Ramoncito Serrano, Nesenel Bisnis Menesa, Loi Bakani Gavana BPNG, Ellison Pidik Assisten Gavana BPNG, FinCorp Menesing Dairekta, Toni Witham wantaim, Robert Igara FinCorp, Bod Siaman.

Winim K10,000 wantaim Paul's milk

PAUL's Milk, wanpela gutpela kaikai bilong Papua Niugini nau i gat wanpela promosen givim aut K10,000 long ol laki wina.

Dispela promosen i bin stat long 1 Epril na i pinis long 7 Me 2014. Dispela pro-

mosen em i bin stap long Pot Mosbi na Lae tasol na prais bilong wan wan siti em K5,000.

I gat sampela liklik prais em ol bai gat nem bilong Paul's milk antap long ol, na ol bai givim long ol sampela

lain husat i win. Ol kastoma bilong Paul's milk i baim milk na ol i raitim nem na adres long baksait bilong stua risit na putim i go insait long entri bokis long ol stua ol i baim long en.

Ol Media Partners na polis

i bin pulim nem bilong ol wina long Mande Me 12, 2104. Ol laki wina bai kisim toksave long fon namba ol i putim long baksait bilong risit pepa. Toksave bilong tupela wina bai kamap long Nesenel niuspepa.



Midia Patna rep i pulim dro na Fes Konstabel Alex Meve i was i stap.

Air Niugini senta bilong ekselelens

AIR Niugini wok long plenim kirap bilong wanpela Senta bilong Ekselelens long Pot Mosbi.

Dispela senta bilong ekselelens em i bilong promotim wok bung na gutpela prektis long trening long sampela wok bilong Air Niugini. Em bai wanpela bikpela haus tasol long karamapim trening bilong kain kain seksen bilong kampani.

Sif Eksekyutiv Opisa, Simon Foo i tok, nau yet, trening i stap long olgeta seksen bilong kampani long planti haus, na em i save dia tumas na i save givim hatwok.

Mista Foo i tok, "Aninit long dispela nupela pasin, olgeta risos bilong kampani bai wok bung wantaim ol trena na ol woklain aninit long wanpela haus tasol long skelim ol tingting wantaim, na kamapim ol nupela save na tingting, na long wankain taim, daunim kos."

Air Niugini Eviesen trening menesa, Richard Coles i tok, "wanem samting bai kamap long bihain bilong wanpela kampani em i save stat wantaim wanem kain trening ol woklain i kisim. Olsem na dispela kain developmen em i



Mista Simon Foo, Eksekyutiv Dairekta bilong Air Niugini.

gutpela." Em tok, " planti wok i ken kamap wantaim dispela kain tingting bilong trening wantaim infomesen teknoloji, kos bilong balus, wok bilong givim tiket, wok bilong ensinia, sels, sefti, kastoma sevis na ol arapela lain husat bai yusim dispela naispela ples bilong trening."

Mista Coles i tok moa olsem taim gavanens, wanpela sapot straksa, gaidens, mesemen na serim pasin bilong lainim i stap long kampani, bai gat gutpela samting i kamaut long wok bilong en.

2014 THE NATIONAL MASK FESTIVAL RABAUl JULY 16-20, 2014

AIR NIUGINI DOMESTIC TRAVEL VALUE

| | | |
|--|---|---|
| K1600^{PP} 2 NIGHTS TWIN SHARE RAPOPO PLANTATION RESORT | K1591^{PP} 2 NIGHTS TWIN SHARE KOKOPO BEACH BUNGALOW | K1552^{PP} 2 NIGHTS TWIN SHARE GAZELLE INTERNATIONAL |
|--|---|---|

Inclusions: • Return airfares Port Moresby to Rabaul
• Accommodation as specified • Return airport and mask festival transfers
• Daily festival passes • All taxes and surcharges

Call toll free on **180 2121** or email: tours@airniugini.com.pg for more information

PORT MORESBY 2015 XV PACIFIC GAMES PAPAUA NEW GUINEA OFFICIAL CARRIER

Air Niugini 40 YEARS
www.airniugini.com.pg

Air Niugini PARADISE TOURS

Ol pipel bilong Moroma kisim nupela wara saplai

MOA long 4,000 pipel bilong ples Moroma long Simbu Provins i ken gat moa helti laip bikos ol i gat gutpela wara saplai ol i kisim wantaim helpim bilong gavman bilong Australia.

Aninit long Strongim Pipel Strongim Nesen (SPSN) program, em wanpela han bilong gavman bilong Australia, ogenaisesen ya i bin givim K46,000 developmen gren helpim mani i go long Kuglyani Selp Sapot grup long wokim wara saplai projek.

Olsem planti pipel long ol rurel eria insait long dispela kantri, komyuniti long Moroma i save painim hat long

kisim gutpela na klinpela wara bilong kuk, dring na wasim ol samting wantaim.

Kisim wara em i wanpela bikpela wok bikos ol i mas wokabout longwe long kisim.

Na dispela em i wok bilong ol mama, pikinini meri na ol pikinini.

Populesen bilong Moroma i groa bikpela na planti famili i save serim wanpela hap bilong kisim wara long em.

Dispela i kamapim ol sik na kros pait na belhevi.

Olsem na ol i kirapim Kuglyani Sapot grup we ol meri i memba long em.

Long mun Mas dispela yia, komyuniti long ples Moroma i bin selebretim open-

ing bilong nupela wara saplai bilong ol i gat 16-pela nupela tep, demo l i apgretim na putim tripela tenk wara i holim 9,000 lita wara, ol nupela paip i ran i go long ples.

Ol bin apgretim wara saplai we Gavman bilong Australia i bin fandim long yia 2004.

Siapesen bilong Kuglyani Sapot Grup, Kauna Girua i tok tenkyu long gavman bilong Australia na wokim dispela toktok.

"Hevi bilong painim na karim wara i kam long haus long lukautim famili em yumi olgeta i save i hatpela wok tumas. Tasol wara em i bikpela samting long laip bi-

long yumi. Tude mi gat bikpela amamas na mi laik tok tenku i go long ol pipel bilong Australia long helpim yumi long stretim dispela hevi."

Rose Miunge, i wanpela ples meri na i no save lukluk gut i amamas long nupela wara saplai bikos long planti yai nau, ol famili memba i save kisim wara bilog em log wel na i tok.

"Mi amamas no gut tru bikos nau wara em i kam klostu stret long haus dua bilong mi na mi na famili husat nau i no inap wokabout i go longwe long kisim wara bilong dring, kuk na waswas," Rose i bin tok.

Kopi groa tasol bai kisim ekspot laisens

-No gat namelman

- Ausait kampani i mas i gat 10,000 hekta

- Ol meri tu bai kisim ekspot laisens

Stanley Nondol i raitim

MINISTA bilong Egrikalsa na Laipstok Tommy Tomscoll i tok ol kopi fama long kantri bai salim ol kopi bilong ol stret long wol maket wantaim laisens ol bai kisim aninit long nupela lo.

Mista Tomscoll i tok gavman i senisim lo bilong givim laisens pinis long givim laisens stret long ol kopi groa na i no ol namelman long kisim laisens na salim kopi na kisim mani.

Long las wik Fraide Kabum distrik long Morobe provins na Usino Bundi distrik long Madang provins i kisim kopi ekspot laisens aninit long dispela nupela lo. Memba bilong Usino Bundi Anton Yangama na memba bilong Kabum, Bob Dadae i kisim ekspot laisens long Minista Tomscoll.

Tupela memba i tok bikpela amamas long gavman i kamapim nupela rot long helpim ol kopi fama.

Mista Tomscoll i tok ol kopi groa i no save kisim inap mani long kopi bilong ol long planti yia bikos planti ol namelman i save kam wantaim laisens na baim kopi na salim long wol maket na kisim moa mani.

Ol 79 distrik long kantri bai kisim wan wan ekspot laisens. Dispela bai lukim ol kopi groa na ol kopretiv grup long distrik i yusim dispela laisens long salim kopi bilong ol stret long wol maket.

Planti yia i go pinis, planti ol outsait kampani i save kisim laisens aninti long CIC

Ekt na salim kopi long wol maket. Ol dispela kampani i no gat kopi diwai o ol i no papa bilong wanpela plantesin. Ol i save kam wantaim mani, baim kopoi na salim go aut long wol maket na mekim bikpela winmani.

Mista Tomscoll i tok aninit long nupela lo, Kopi Industri Kopresen o CIC bai painim maket bilong ol fama long ekspot.

Mista Tomscoll i tok dispela lain em ol namelman tasol. Nau gavman i senisim lo pinis na i givim ekspot laisens stret long ol kopi groa. Ol yet bai salim kopi bilong ol long wol maket na kisim winmani moa long ol i bin kisim planti yia i go pinis.

Mista Tomscoll i tok aninit long nupela lo, gavman bai givim laisens long 44 kopretiv grup long 22 provins, na 2-pela laisens long wan wan provins.

Ol kampani husat i gat laisens pinis long olpela lo i ken ekspotim kopi tasol gavman bai putim ol rul long ol i bihainim.

Mista Tomscoll i tok ol ausait kampani husat i gat laisens pinis i mas i gat 10,000 hekta bilong kopi long ol i ken ekspot sapos no gat bai gavman i rausim laisens bilong ol.

Minista Tomscoll i tok gavman i stretim ol olpela CIC lo long givim luksave long ol kopi fama.

Minista i tok gavman tu bai givim laisens long ol meri aninit long nupela lo long ol i ken salim kopi long wol maket.



OPIM MOROMA WARASAPLAI: Deputi Gavana bilong Simbu, James Kendial i katim riben long opim nupela wara saplai projek long ples Moroma long Simbu Provins. Komyuniti bilong Moroma i sanap na soim amamas bilong ol. Foto: SPS

Gavman bai rausim OPIC

GAVMAN bai rausim Welpam Industri Kopresen (OPIC) na putim Welpam Bod long lukautim olgeta wok bisnis bilong welpam long kantri.

Minista bilong Egrikalsa Tommy Tomscoll i tokim palamen olsem OPIC i stap nau em i bilong ol welpam groa long lukautim welpam bisnis. Olsem na gavman i no save sapotim long mani na ol samting long sapotim ol welpam fama.

Mista Tomscoll i mekim dispela toktok long bekim askim bilong gavana bilong Wes Nu Briten Sasindra Mutuhwel long palamen olsem bilong wanem na gavman i no save givim wankain helpim long ol welpam groa olsem gavman i save helpim ol kopi na ol arapela groa.

Mista Mutuhwel i tok welpam em i wanpela bikpela industri na i save pulim moa long K1.2 bilien i kam insait



Gavana bilong WBNP Sasindra Mutuhwel.

long kantri.

Em i askim bilong wanem na gavman i no save helpim olsem subsidi na tu ol prais ol fama i kisim em daunbilomas.

Mista Mutuhwel i askim sapos Nesenel Eksekutiv Kaunsil i ken rausim ol dinau mani OPIC i gat na givim bek taitel bilong welpam bisnis i go long ol groa na ol i

ken kisim dinau mani long benk na ranim bisnis ol yet.

Mista Tomscoll i tok welpam bisnis i no gat lo i banisim long gavman i ken helpim long mani na ol prais bilong ol groa.

Em i tok Komonwel Benk i statim welpam bisnis namel long 1960, na 1970 long Wes Nu Briten wantaim ol papagraun na bihain i go long Milen Be na Oro provins.

Mista Tomscoll i tok OPIC em bilong ol welpam groa na i no bilong gavman. Ol groa yet bai putim mani na givim subsidi aninit long OPIC long sapotim ol yet.

Tasol dispela bai senis bikos gavman nau i wok long lo bilong kamapim Welpam Bod na gavman i ken kontrolim welpam industri long kantri, Minista Tomscoll i tok.

"Taim Welpam Bod i sanap bai gavman i ken givim subsidi," Tomscoll i tok.

Digicel i sainim K20m

kontrak wantaim gavman

BIKPELA mobail fon kampani, Digicel PNG i sainim K20 milien kontrak wantaim PNG gavman long mekim wanpela demonstrasen projek long vois telepon aninit long Univesel Ekses Skim.

Sif Eksekutiv Opisa (CEO) bilong Digicel PNG John Mangos na Gavana Jenerel Maichael Ogio i

sainim K20 milien kontrak long Gavman Haus long kirapim dispela projek.

Dispela projek em i hap bilong komitmen bilong gavman long stretim telekomunikesen infrastraksa sevis i go long ol rurel ples long kantri. Dispela mani gavman i kisim dinau long Wol Benk.

Mista Mangos i tok Digi-

cel PNG i gat bikpela laik na rispek long wok bung wantaim gavman long mekim karim kaikai plen bilong gavman long stretim ol rurel telekomunikesen sevis long kantri.

Mista Mango i tok Digicel i gat moa long 500,000 kastoma na dispela projek bai kisim namab bilong vois kastoma i go antap moa.



Gavman sainim kontrak

Chan laik senisim Maining Ekt

GAVANA bilong Nu Ailan Sir Julius Chan i wok long pait strong long palamen i mas senisim maining lo na givim luksave long ol papagraun na ol pipel i mas kisim bikpela sevis. Em i tok maining lo nau i givim bikpela luksave long ol divelopa na ol papagraun i kisim liklik helpim tasol.

Las wik Sir Julius i givim wanpela sabmisen long gavman long palamen i mas senisim maining lo long rot bilong skelim ol winmani na sevis na ol papagraun bilong risos i mas kamap papa bilong ol wok bilong maining long kantri.

Sir Julius i tok i gat bikpela nid long kantri i mas gat rivi o senisim lo bilong maining bikos ol ausait kampani i wok long kisim bikpela win-



Sir Julius Chan

mani inap 40 yia nau na klostu sampela main long kantri bai pinis.

Em i tok dispela sambisen em i givim long gavman las wik i gat olgeta tok

Maru laik sekim laisens bilong WIB

Stanley Nondol i raitim

MINISTA bilong Tred Komes na Indastri Richard Maru i tok em bai rait i go long Dipatmen na ministri bilong Tresari long sekim wanem rot Benk bilong Papua Niugini i laik givim laisens long Wimen In Bisnis (WIB) long kamap olsem wanpela Maikro Benk.

Mista Maru i tok "Yumi olgeta save long dispela meri i go pas long dispela kampani, WIB tasol em i asua long BPNG bai givim laisens taim dispela kampani i no inap long bekim mani bilong ol mama.

Mista Maru i mekim dispela toktok taim memba bilong Maprik John Simon i tok Wimen In Bisnis bren long Maprik i kisim mani diposit long ol meri na i no baim bek ol winmani taim ol meri long distrik bilong em i askim.

Mista Simon i tok ol meri long distrik bilong em i baim sampela mani pinis long Wimen In Bisnis na sampela bilong ol i lapun na sampela i dai. Em i tok taim ol lain bilong ol na sampela meri i askim WIB long baim bek mani ol i dipositim pinis, WIB i no baim ol.

Mista Simon i askim bilong wanem na BPNG i laik givim laisens long ol WIB taim em i no inap long bekim mani bilong ol meri long distrik bilong em.

Mista Simon i askim Mista Maru long tok klia long wanem rot gavman bai mekim long ol meri long distrik bilong em bai kisim bek mani bilong ol.

Mista Maru i tok em i tambu long ol kampani o lain i makim fainensel institusen na kisim mani diposit long ol manmeri na tok bai ol i baim bek wantaim winmani.

Mista Maru i tok em bai

rait i go long Tresari Dipatmen long toktok wantaim BPNG na painimaut long dispela kampani WIB.

Mista Maru i tok dispela em bikpela wari bikos planti manmeri i save lusim mani long ol kain kain mani kampani.

Long wankain taim Mista Simon i askim Mista Maru long tok klai sapos gavman bai sapotim ol kopretiv sosaiti bikos em i wok gut long provins bilong em.

Mista Simon i askim sapos wok painim i kamap long K10 milien bilong Sepik Kopretiv Sosaiti we gavman i givim.

Minista Matu i tok i no K10 milien em i K5 milien gavman i givim. Tasol em i tok i no isi long wok painimaut bikos sampela lain i bagarapim ol rekot long dipatmen na no gat ol infomesen long rekot long mekim dispela wok.

Maru go long APEC Tred Minista miting

MINISTA bilong Tred, Komes na indastri, Richard Maru i bin go long Tred Minista forum bilong ol APEC kantri stat long 17 i go 18 Mei long Qingdao, Saina bilong skruim wok bilong APEC long kamapim Fri Tred Eria bilong Esia Pasifik (FTAAP).

"Mi bai tokim ol wanwok bilong mi long rot Papua Niugini i kam pinis long en long sampela ol wok olsem kamap bilong tupela WTO Tred Fasilitesen Agrimen i kamap long Bali long yia i go pinis," Mista Maru i tok.

Bikpela tingting bilong 2014 APEC miting em: **"Esia-Pasifik bung long kamapim laip"** na tripela bikpela het tok olsem.

- Edvensing Rijonal ikonomi intagresen (REI);
- Strongim inovativ Di-

velopmen, ikonomik Rifom na Gro; na

- Strongim Komprihensiv Konektiviti na infrastraksa Developmen.

I gat 5-pela het tok ol minista bai i toktok long en, ikonomik Senis, Nupela ikonomi, inovativ Gro, inklusiv Sapot na Ebenaisesen.

Sampela moa toktok bai ol APEC memba kantri i toktok em long rijonal na fri tred agrimen, strongim kepesiti bilding ektiviti, kamapim rotmep na long kamapim wanpela fisibiliti stadi bilong FTAAP wantaim ol kos na benefit bilong en.

Dispela na planti moa narapela bikpela samting long Tred bilong Esia-Pasifik em bai ol i toktok long en.

Minista Maru bai i go long APEC Tred Minista miting

wantaim nupela Dairekta Jeneral bilong Tred Divisen, Embeseda Max Rai na PNG APEC Senia Opisa, Ivan Pomaleo, Embeseda Christopher Mero bilong PNG Embesi long Saina na Dairekta Jeneral bilong PNG APEC Sekreteriet, Lahui Ako na ol opisa bilong ol ejensi bilong APEC i go pas pinis long Qindao, long ol narapela miting.

APEC Minista i gat wok long Tred (MRT) em i bilong redi long go insait long APEC Ministeriel Miting bai kamap long Novemba 7 i go 8 long Beijing na APEC Lida Samit long Novemba 8 i go long 11 long Saina. Praim Minista Peter O'Neill bai i go long dispela kibung long novemba wantaim ol lain i makim praivet sekta.

tru i stap long gavman i ken sekim na givim tok orait long palamen bai vot long kamapim ol senis long lo bilong maining.

Maining Amenmen Bil 2014 Sir Julis i givim long gavman i toktok long:

1. Senisim onasip bilong mineral risos i stap long tumbuna graun na givim long ol papagraun, we nau lo i givim long gavman.

2. Ol papagraun yet i mas kamap papa bilong maining indastri long wok eksplorasen na minerels.

3. Skelim winmani gut wantaim ol provins i no gat ol mineral risos

Aninit long dispela bil, gavman bai go pas long mekim ol lo na givim laisens long ol divelopa na provin-sal gavman na papagraun

bai kamap papa bilong ol mineral risos.

Dispela bil tu i laikim wanem samting aninit long 6 fit em bai bilong ol papagraun na i no gavman. Nau lo i givim rait long gavman i kamap papa bilong risos i stap insait long graun.

Planti ol mineral i save i stap aninit long 6 fit na nau maininig ekt i tok dispela i bilong gavman. Taim gavman i givim laisens long ausait kampani long mekim eksplorasen, ol i mekim eksplorasen na kisim divelpomen laisens na i kamap papa bilong ol samting gen.

Aninit long Maining Ekt bilong nau, ol divelopa i kamap papa bilong ol mineral na gavman i wok long baim sea long ol samt-

ing i stap long graun bilong tumbuna.

Sir Julius i tok dispela lo i no stret bikos gavman i wok long baim sea long wanem samting i stap pinis long graun bilong yumi yet.

Em i tok aninit long nupela bil bai ol ausait kamapani i bai baim sea na ol papagraun bai kamap papa bilong ol mineral.

Sir Julius i tok aninit long nupela lo em i laikim ol papagraun i mas kisim 51 pesen bilong winmani na gavman wantaim ol arapela bai kisim 49 pesen.

Em i tok kantri i gat palnti main na bikpela winmani i wok long go aut long kantri. Em i laikim gavman i givim tokorait long palamen i mekim dispela senis long Maining Ekt.

Bikpela namba no gat wok wok long LNG projek: PM

PRAIM Minista Peter O'Neill i tokaut olsem bikpela namba bilong wokfos i pun-daun taim konstraksen wok bilong dispela multi bilien LNG projek i pinis.

Mista ON'Neill i tokim PNG-Australia bisnis forum long Cairns-Australia long dispela wik olsem i bin i gat moa long 14,000 wokfos bilong LNG na taim konstraksen i pinis bikpela namba i no gat wok nau. Em i tok em i hatwok tru long painim wok bilong dispela namba kwiktait.

Mista O'Neill i tok moa long hap bilong dispela namba em ol manmeri bilong PNG, na ol i no gat wok nau bikos wok konstraksen wok i pinis.

Em i tokim dispela Forum olsem sampela rot gavman i mekim pinis em;

-Gavman i yusim bikpela mani long stretim ol ikonomik infrastraksa divelopmen olsem ol rot, sip, bris,

ples balus, pawa na wara saplai. Em i tok dispela ol divelopmen i kamapim ol wok long ol praivet sekta.

-Gavman i putim planti mani long ol skul na helt long helpim ikonomik na sosel divelopmen

-Gavman i putim mani long groim SME bisnis em i gutpela bilong bihaintaim. Dispela SME tu i bai apim wok long praivet sekta.

Praim Minista i tok PNG na Cairns i gat gutpela pren long bisnis divelopmen na dispela forum em i kam gut wantaim het tok bilong en, "PNG Oportunities Beyond the Boom"

Mista O'Neill i tokim forum olsem gavman bilong em i wok long hariapim ol pepa wok long namba tu LNG projek long Galp provins.

Em i tok Total kampani i kisim bikpela sea na bai go pas long projek.

Mista O'Neill i tok i gat planti ges divelopmen long

kantri na wok i kamap yet long ol ges projek bai go insait long prodaksen long liklik taim bihain.

Em i tok kantri i gat planti ges projek i stap na gavman i lukluk long kamapim daun prosening insait long kantri na helpim pawa saplai bilong ol bisnis indastri na ol pipel.

Mista O'Neill i tok ol bikpela ges projek long kantri bai sapotim ol kontrakta, saplaia na sapotim wokfos na givim bikpela sevis long ol pipel.

Tasol em i tok em i nidim sapot bilong ol patna long lukim gutpela sevis bai go long husat i stap insait long wok divelopmen bilong ol risos i stap long kantri.

Long dispela bisnis forum, Praim Minista O'Neill i toktok strong long PNG bai isi long kisim Australia visa, maining sekta na ol arapela sekta bilong bisnis namel long tupela kantri.



Dispela sip i karim namba wan LNG ges i go long Japan las wik. *Poto. Nicky Bernard*



DSTP bilong Ramu NiCo bihainim Kondisen bilong DEC

RAMU NiCo i bihainim olgeta kondisen o rot we gavman i laikim em i wokim aninit long lo bilong Dipatmen ov Envairement na Konsevesen long rausim pipia bilong en long solwara, na dispela em seif rot long ol arapela rot.

Envairement Opisa wantaim Dipatmen ov Envairement na Konsevesen (DEC), Gabriel Luluaki i tokaut long dispela insait long DSTP aweanes we i bin kamap long Me 12 i go 14 long Basamuk eria long Raikos distrik long Madang provins.

Mista Luluaki bilong DEC i tokaut tu olsem dispela rot bilong rausim pipia ol i kolim dip si teilings plesmen (DSTP) em ol arapela main olsem Lahir Gol Main long PNG tu i yusim na i wok orait tasol.

Dispela aweanes long Basamuk eria i bihainim Nesenel Kot oda bilong Julau 26, 2011 we i tok olsem Ramu NiCo olsem divelopa, na Independent Stet bilong PNG na Dairekta bilong Envairement aninit long DEC i mas kamapim ol aweanes long DSTP long olgeta kwata long wan wan yia. Long dispela yia aweanes i bin karamapim ol viles klostu long Basamuk rifaineri.

Insait long aweanes, Mista Luluaki i tok Nesenel Gavman aninit long DEC i gat bikipela bilip olsem DSTP i no inap kamapim hevi long laip bilong ol pis na marin laip long solwara, bihain long ofisal prodaksen bilong Ramu NiCo i bin stat long mun Disemba 2013.

Ramu NiCo Menesmen (MCC) Ltd i tokaut tu olsem DSTP wok em i karimaut i wok orait tasol na i bihainim kondisen bilong DEC na ol bai givim ripot bilong ol klostu taim i go long wanpela indipenden konsalten long lukluk long en gen na tokaut long painimaut bilong en tu.

Dispela ripot i bin kamaut long Dipatmen ov Envairement na Konsevesen (DEC) long aweanes bilong ol i go insait long Ramu NiCo Menesmen DSTP long Basamuk Be insait long Raikos distrik long Madang provins.

Insait long ripot bilong DEC, pastaim long DSTP i kamap i mas gat beslain-stadi i kamap, na dispela em Ramu NiCo i wokim pinis pastaim long em i go het long wokim kamap DSTP long Basamuk Be long Raikos distrik.

DEC i tokaut tu olsem long Gavman i givim tok-orait baret we pipia i mas go daun long solwara em 12 digri, na long sait long Ramu em 15 digri. Moa long en tu em i mas greviti o bihainim rot bilong baret i go daun, na long sait bilong Ramu em i greviti fid.

Narapela bikipela samting tu em DEC i laikim olsem daunbilo bilong solwara i mas 120 mita, na long sait long Ramu NiCo, daunbilo bilong solwara em 150 mita.

Stadi i soim olsem i gat ol ol enimal i stap arere long ol dispela pipia na i kisim kaikai long en bihain long ol pipia i go sindaun

aninit long graun aninit long solwara.

Moa long en tu i no gat apweling o lukim pipia i trip i kam antap long tai mol i sindaun daunbilo long graun long solwara. Stadi i soim tu olsem nogat hevi o bagarap i kamap long ol enimal na pis long ol graun aninit.

Narapela samting tu em eria we ol pipia i go sindaun aninit long solwara i mas gat inap spes, na Ramu NiCo i nau i yusim Vitiaz Besin, na i gat bikipela spes long pipia i go sindaun aninit long solwara na i no inap kam antap na ken long antap bilong solwara. Stadi i soim olsem i nogat sain bilong apweling, o pipia we i sindaun aninit long graun long solwara i kam antap gen.

Insait long wok bilong DEC olsem reguleta, ol lain bilong mekim lo na was long wanem wok i kamap, DEC i wok insait long Envairement Ekt 2000, sab-seksen 55

Long sait long Permit we DEC i givim long divelopa olsem Ramu NiCo, dispela ol kondisen i stap long was o gaidim divelopa long operet long gutpela sait long lukautim gut envairement long stretpela rot we i no ken givim bikipela hevi long bus, graun, wara na solwara bilong yumi.

Dispela ol Kondisen bilong DEC em i putim kamap long divelopa i mas yusim wanem gutpela rot i stap na wanem kain teknoloji na enjiniaring stendet long was-gut long envairement.

Kondisen bilong DEC em Lo bilong en yet aninit long Ekt 2000 na nogat lain i ken brukim o abrusim.

Long sait long wok bilong Ramu NiCo, wok maining em i wokim em ekstrekativ indastri we ol i rausim graun long kisim mineral i gat velius long en. Dispela ol mineral em ol i rausim long graun na prosesim o redim gut pinis na i save salim i go aut long intanesenel maket long bringim nupela mani i kam insait long kantri bilong yumi.

Dispela reveniu o maini ol i kisim bihain long ol i salim mineral expotes i go ovasis em ol bai yusim long wok operesen bilong main, peim gavman takis, helpim ol lain aninit long memorandum ov agrimen (MOA) na ol arapela samting.

Wok bilong karimaut maining i narakain long ol arapela na i go wantaim wanem kain mineral long graun em divelopa i laik kisim.

DEC i save glasim tu ol Envairement monitoring wok bilong divelopa we i go wantaim ol samting olsem liklik han wara, ol tait bilong solwara na ol ron na strong bilong solwara, na tu i glasim fres na solwara kwaliti, ol graun arere long nambis na tu graun aninit long solwara.

Narapela rot bilong monitoring tu i karamapim stadi o sekim ol fis sapos ol i gat poisin long ol o nogat?.

Ramu NiCo i bihainim olgeta rot na kondisen DEC i putim long givim ol Kwatali Ripot bilong en i go long Gavman (DEC) na tu i givim Yia ripot bilong en long las yia i go pinis long DEC.



Gabriel Luluaki, Envairement Ofisa bilong DEC i toktok long ol asples lain long Basamuk.



Nick long MRA i toktok long awenes taim Mathew Lem long Ramu NiCo i sanap harim.



Plantu ol pikinini tu i kamap long dispela awenes long harim wok bilong DSTP.

Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikipela wok konstraksen long namba tu hap bilong 2008. I kam inap nau, olgeta bikipela konstraksen wok long Krumbukari main sait na Basamuk rifaineri i pinis, na projek i stap redi long kisim komisanim o tok orait long mekim wok. Long wol tu, dispela kain hariap sanapim em i no kamap bipo long wanpela kain bikipela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 miliar kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

**'Wanpela
Ramu NiCo,
Wanpela
Komyuniti'**

Ol Manus pipel bai gat nupela maket

LONG mun Desemba long dispela yia, ol pipel bilong Manus Provins bai gat gutpela maket we ol mama i no inap wari, tasol long san na rent aim, ol bai sindaun gut na maket.

Wok long bildim nupela Lorengau maket long Manus Taun bai stat long mun Julai, na pinis long Desemba.

Ol ripot i kam long Hai Komisn opis bilong Australia i save lukautim ol wok i karamapim Manus na Manus Asailam Sika i tok namel long dispela mun Me na Julai, ol i wokim ol disain o piksa long maket bilding, tenda, kisim ol bilding metiriel na wok bai stat.

Wok bai pinis long mun Desemba, 2014.

Ripot i no tokaut amas mani ol bai yusim long stretim Lorengau Maket, tasol em i stap aninit long K26 milien helpim mani we gavman bilong Australia i katim long provins aninit long Manus Asailam Sika dil namel long PNG na Australia gavman.

Ol bai yusim dispela manimak long ol projek long Manus Provins i karamapim edukesen, helt, stretim na wokim ol mentenens long ol infrastraksa olsem rot, bris na ples balus, maket, yut na spot, meri na polis.

Long wankain taim, wok i stat pinis long stretim ruf bilong Manus Maket we i wok long bagarap.

Manus Provinsel Teknikel Sevis Divisen wantaim sapot bilong Australia i mekim dispela wok.

Long namba wan niusleta bilong Australia Hai Komisn ol i kolim long "Manus i go het", Hassan Romalus em Infrastraksa Speselis wantaim

(Australia) Incentive Fund i tok ol bai bildim maket we bai wok gut, strongpela bai stat longpela taim we ol pipel bilong Manus bai amamas long en.

Manus Maket i stap i stap insait long Lorengau Taun na em i ples we pipel i save bung na namba wan ples pipel i save salim ol pres gaden kaikai, kumu, mit na ol pis na ol arapela kaikai bilong solwara.

Nupela maket bai kisim ples bilong nau maket we i wok long go lapun. Ol bai wokim ruf bilong nupela maket wantaim ol strongpela moa stil frem o ain, inap spes long pipel i raun nab aim ol samting, na moa lait insait long maket ples.

Insait long nupela maket tu, ol bai wokim spesel eria yet bilong salim ol mit, pis na ol narapela abus bilong solwara.

Ol bai wokim tu hap long storim na tilim wara long en.

Niuspela i tok tu olsem bai ol i bildim moa toilet na sawa rum bilong ol meri bikos moa meri bai maket long dispela nupela na bikipela moa maket bilding.

Sampela meri we niusleta i toktok long ol i tok ol i amamas long nupela maket bikos bai gat spes long ol i sindaun gut na salim ol pis, kumu na gaden kaikai bilong ol.

Niusleta i tok taim ol i rausim nau maket bilding, ol maket lain bai yusim 7-pela liklikmaket we Lorengau Eben Lokol Level Gavman i wok long redim long 7-pela Wod eria long Lorengau taun. Wok long ol dispela liklik maket bai pinis long dispela mun.



MANUS MAKET NAU: Manus Maket i ples bilong bung na maket wantaim.



NUPELA: Nupela Manus Maket bai luk olsem taim ol i pinisim long mun Desemba. Em bai kisim 4-pela mun long mekim. Foto: Manus i go het niusleta.

PNG i ken groim rais na sevim mani

Pearson Kolo i raitim

PAPUA Niugini i lukluk long sevim mani na planim na salim rais long bihain taim.

Rais i kamap olsem olgeta de kaikai long ol PNG famili, ol bod-ing skul, ol kalabus na ol haus sik.

PNG i sdave tromoim bikipela mani stret, olsem moa long K500 milien olgeta yia long baim na kisim rais i kam long ovasis.

Wantaim helpim bilong ol Saina, Japan na Taiwan gavman na ol risets na egrikalsa save-man, PNG i wok long traim planim rais long ol bikipela projek long sampel hap bilong kantri.

Bihainim ol wok risets na rais planim projek we gavman bilong Saina na ol risets lain bilong ol na PNG lain i karimaut long Hailans Egrikalsa Kolis long Westen Hailans Provins, ol i painim aut olsem rais i ken groa gut long PNG.

Dispela projek i kam aninit long wanpela agrimen we Gavman bilong PNG na Ripablik bilong Saina i bin sainim long yia 2009.

Agrimen i stap long hap namba tu. Long las yia, kolis i bin kamapim 30 ton rais we ol i planim long 5 hekta graun tasol.

Projek i luksave tu long tupela kain rais i groa gut na i karim planti rais moa.

Em long China Number One na China Number Two.

Ol risets lain i soim tu olsem tupela kain rais ya i kisim namel long 142 de na 165 de long gro na redi.

Projek na risets i soim olsem rais i ken groa gut long PNG, tasol i no gat bikipela rais faming projek long kantri long wanem, gavman i lukluk yet long en.

Nau, Hailands Agriculture College i wok long redim 30 hekta graun long planim rais na saplain i go long ol haus sik na ol narapela institusen long provins.

DRINKERS & FEEDERS

Buy 2 x 20kg Tablebirds Stockfeed & recieve 2Ltr Drinker or 3kg Feeder
Buy 2 x 40kg Tabebirds Stock Feed & recieve a 4Ltr Drinker or 6kg Feeder

FREE



AVAILABLE AT PARTICIPATING DISTRIBUTORS NATIONWIDE

Mauspas man winim gol medol long bodibilding

Sape Metta i raitim

EM i wanpela disebol man we em i no inap long toktok. Tasol traim em long spot bilong bodibilding, em i ken pefom strong tru, winim ol arapela bodibilda, na winim gol medol tu.

Ol sapota na manmeri husat i save bihainim bodibilding i bin kamapim bikipela nois tru taim mauspas masel man bilong Goroka na Isten Hailans, Rexford Viyufa, husat i bilong Fayantina long Henganofi distrik i bin kamap, taitim na fleksim masol, na pefom antap long steij long namba 22 PNG Nesenel Bodibilding Sempionsip long YC Hol long Goroka, tupela wik i go pinis.

Rexford Viyufa em liklik brata bilong PNG maselman na taitel holda bilong Mista Saut Pasifik Jack Viyufa husat i bin resis egensim ol narapela bodibilda husat i bin kam yet long Bogenvil, Pot Mosbi-NCD, Lae-Morobe, na Jiwaka we em i winim gol medol long 80 kilogram divisen.

Bihain long winim gol medol, Rexford i bin kamap na tekpat long resis egensim sikispela bodibilda long taitel bilong Mista PNG.

Tasol dispela taitel i abrusim em na narapela masel man bilong Goroka yet em Steve Bomal husat i

bin winim dispela taitel long 2013 i winim bek dispela taitel gen long narapela yia.

Nau yet ol selektas bilong PNG Bodibildas Federesen i makim ol bodibilda, na Rexford Viyufa em i wanpela bilong ol husat bai makim Papua Niugini long 2015 Saut Pasifik Gems.

Ol arapela bodibilda husat i bin winim gol medol long sempionsip stat long anda 65 kilogram na igo antap long 90 kilogram bai kamap na go het long makim PNG long 2015 Saut Pasifik Gems.

Long anda 65kg, ol selekta i makim Mark Donald na Kenny Cooper, long anda 70kg, Steve Bomal, anda 75kg, Rexford Viyufa, anda 80 kg, Albert Scott, anda 85kg, Richard Ripa anda 90kg na Johnny Glen ova 90kg.

Tingim, maski sapos em i mauspas, Rexford Viyufa bai go het long bihainim ol trening program wantaim Mista PNG Steve Bomal na tupela bai i ken redim tupela yet long resis wantaim ol narapela bodibilda bilong Pasifik long 2015 Pasifik Gems.

Long divisen bilong ol meri, masel meri bilong Goroka, Misah Avefa i winim gol medal, na taitel bilong Mis PNG, em tu i stap long skwat bilong makim PNG long Pasifik Gems.



Maski sapos em i mauspas, bodibilda Rexford Viyufa i taitim na fleksim masel long taim em i bin tek pat long namba 22 Nesenel Bodibilding Sempionsip. Em i makim Isten Hailans na winim gol medol long 80 kilogram divisen. Em i traim long resis wantaim Steve Bomal (rait long foto) na faivpela arapela bodibilda long kisim taitol bilong Mista PNG. Em i traim tasol em i no mekim, tasol dispela i no stopim ol selekta long makim em long i stap insait long tim long makim PNG long 2015 Saut Pasifik Gems.

Hekari na Lae redi long fainel

Isaac Liri i raitim

NESENEL Soka Lig (NSL) gren fainel i no wanpela nupela samting long ol Hekari Yunaitet. Dispela em namba 9 taim bilong Hekari long stap insait long gren fainel, na dispela yia, ol bai pilai egensim Lae FC.

Lae FC em nupela tim long NSL na dispela yia ol i bin pilai strong tru na nau ol bai pilai long gren fainel.

Kosa bilong ol Lae FC, Peter Gunemba i tok em i bilip long ol pilaia bilong em, na nau ol i trening strong long dispela wik na redi long pilai egensim Hekari.

Mista Gunemba i save olsem dispela gem bai no inap isi long win, tasol wantaim ol sapota bilong ol, ol i ken putim presa antap long Hekari na win.

Sapos Lae FC i win, ol bai mekim histori long NSL.

Long arapela gem, Oro FC na Gigira Morobe bai pilai long kisim namba 3 na namba 4 ples long lata.

Kosa bilong Hekari Yunaitet, Jerry Allan i amamas long ol pilaia bilong em long



Lae FC bai lukluk long stopim dispela strongpela straika bilong ol Hekari, Kema Jack. Kema bai pilaim namba 9 gren fainel bilong em wantaim Hekari. Em i gat planti eksperiens, na em i ken helpim Hekari long winim namba 10 gren fainel bilong ol.

kisim ol i go long gren fainel gen long dispela yia, tasol em i save olsem em i no

inap isi, long wanem, Lae FC bai pilai long ples bilong ol, na ol bai gat planti

sapota we i ken daunim spirit bilong ol pilaia bilong em

Kepten Eliab i kam bek

Isaac Liri i raitim

DISPELA yangpela kepten bilong ol PNG Hunters i save strongim ol Hunter taim em i stap insait long ples bilong pilai.

Kepten Eliab i no bin pilai long laspela tupela gem bilong ol, long wanem, em i bin sik. Long dispela wik, em i trening wantaim ol Hunter na i redi bek long go insait long ples bilong pilai na lidim ol bois.

Kosa bilong ol Hunter, Michael Marum, i amamas

long lukim olsem Eliab bai kam bek gen. Kosa Marum i tok Eliab em wanpela pilaia we olgeta bois i save lukluk antap long em, na kam bek bilong em i ken apim spirit bilong ol bois gen.

Eliab husat em 23 kris-mas, em wanpela top 10 pilaia long Intrast Supa Kap.

Ol Sentral Kwinslan Capras husat bai pilai egensim ol Hunters long dispela wiken bai putim was long dispela man, long wanem, em wanpela strongpela pilaia bilong ol



Kepten bilong PNG Hunters, Israel Eliab bai mekim kam bek bilong em long dispela wiken.

Tim PNG redi long Komonwelt Gems

Isaac Liri i raitim

KOMONWELT Gems bai stat long Julai 3 na pinis long namba 23 de bilong mun Ogas, 2014.

Ogenaisesen we i go pas long wok redi bilong salim tim PNG i go em Papua Niugini Olimpik Komiti (PNGOC).

PNGOC i mekim baset bilong salim tim PNG i go long dispela bikpela pilai, na baset bilong salim tim i go em K3 millien.

PNGOC i mas kamapim K1.5 millien ol yet wantaim helpim long ol sponsa.

Arapela K1.5 millien bai kam long Nesanel Gavman.

PNGOC em i wanpela Non-Gavman Ogenaisesen (NGO), na long dispela as, ol i save nidim helpim i kam long ol sponsa.

Wanpela bikpela rot we PNGOC i bihainim long dispela yia, long kisim mani long sapotim na salim tim i go long Komonwelt Gems, em long ol Trukai Fan Ran T-siot.

Mani we i kamap taim ol manmeri o ogenaisesen i baim ol dispela fan ran t-siot bai go long helpim tim PNG.

144 em namba bilong ol manmeri husat bai go long

Komonwelt Gems, 96 bilong ol dispela manmeri em ol etlit, na 48 em ol opisal.

Dispela em namba wan taim bilong Papua Niugini long salim wanpela bikpela tim i go long Komonwelt Gems.

Ol spot we tim PNG bai pilai long en long dispela bikpela pilai em Etletiks, Boksen, Ragbi Sevens, Skwas, Tebol Tennis, Swimming, na Para Spots.

Tim PNG bilong go pilai long Yut Olimpik Gems long Saina long mun Ogas bai kisim sapot tu long mani we i kam long ol Fan Ran T-siot.

Ol sponsa bilong Pasifik Gems kisim skul

OL sponsa bilong 2015 Pasifik Gems i bin gat sans long toktok na kisim sampela tok skul long wanpela savemeri, Kim Skildum-Reid.

Mis Skildum-Reid em wanpela meri husat i gat planti save na ekspirians long ol rot bilong stap olsem sponsa long ol bikpela ivent olsem Pasifik Gems.

Long wanpela woksop long Pot Mosbi long dispela wik, Mis Skildum-Reid i toktok long ol sponsa bilong Pasifik

Gems, na givim sampela gutpela tingting long stap olsem gutpela sponsa na helpim, na tu, kisim sampela gutpela samting taim ol i stap olsem sponsa.

Long dispela woksop, Sif Eksekutiv Opisa (CEO) bilong Gems Ogenaising Komiti (GOC), Peter Stewart, i tok Pasifik Gems i no inap long kamap gut taim i no gat ol sponsa. Em i tok ol sponsa i save givim helpim long kain kain rot, na ol i mekim bikpela

wok long lukim olsem dispela bikpela pilai i kamap gut.

Mista Stewart i tokim ol sponsa olsem ol i olsem famili wantaim GOC, na GOC bai amamas long wok bung wantaim olgeta sponsa long dispela 18-pela mun i stap bipo long bikpela pilai i kamap.

“Wok bung namel long GOC na ol sponsa bai mekim Pasifik Gems i kamap gutpela moa, Mista Stewart i tok



Kim Skildum-Reid i toktok long olgeta sponsa bilong Pasifik Gems long gutpela bilong stap olsem sponsa long dispela bikpela pilai.

Tari kisim nupela basketbal fasiliti

OL manmeri husat i save pilai na bihainim basketbal long Tari bai nau gat sans long pilai gut bihain long helpim ol i kisim long Bank South Pasifik (BSP).

Long las yia tasol, BSP brens long Tari i bin op, na long dispela yia, ol i wok bung wantaim Kuluanda Praimeri Skul na ol komyuniti long hap long stretim ol basketbal fasiliti aninit long Komyuniti Projek Inisitiv.

Brens menesa bilong BSP long Tari, Gabriel Ak i tok tenk yu long Kuluanda Praimeri Skul na ol manmeri

bilong ol komyuniti i stap klostu long wok bung wantaim ol na lukim pinis bilong dispela projek.

“Long makim maus bilong ol wok manmeri bilong BSP long Tari, mipela i amamas long kamapim dispela fasiliti na wok bung wantaim komyuniti, na mipela i gat bikpela laik long helpim long taim bihain tu,” Mista Ak i tok.

Mista Ak i tok em i gat strongpela tingting olsem dispela nupela basketbal fasiliti bai helpim ol Tari long painim ol sampela yangpela manmeri husat i gat skil na

save bilong pilai basketbal, na wanpela de ol dispela yangpela i ken karim nem bilong Papua Niugini.

Ol sumatin na tisa bilong Kuluanda Praimeri Skul i amamas tru long lukim dispela nupela fasiliti na ol i tokim BSP olsem ol bai lukautim na yusim gut.

Taim dispela skul i bin stat, ol tisa bilong Kuluanda i save wok hat tru long skulim ol sumatin, na nau wantaim dispela nupela fasiliti, ol i bilip olsem em i ken helpim ol long sait bilong stap helti na skul gut.

Bantik soka kompetisen long Usino Ples i kamap gut

Mathew Yakai i raitim

MASKI i no gat gutpela sponsa, kosa, menesmen na samting bilong trening long pilai soka, taim wiken i kam, ol yangpela long Usino Wod 31 insait long Usino Bundi distrik long Madang i save laikim kain stail pilai bilong ol long soka. Pilai bilong ol em wankain stret olsem ol soka pilai long bikpela taun na siti.

Ol i no wari sapos no gat gutpela sponsa, maski i gat bikpela ol projek olsem Ramu Suga, Ramu Agro, Ramu NiCo, Marengo na ol narapela bikpela kampani insait long Madang provins, soka em stap long blut bilong ol stret.

Taim ol i wok hat long gaden kakao o buai long ol wik de, na taim wiken i kam, ol yangpela i save laikim stret soka bilong Usino we i save mekim ol mama na papa i amamas long lukim.

Wantaim dispela kain amamas na luksave, Kawat Daik, Spot Teknikel Opisa bilong Bantik na Usino i go pas long ogenaisim dispela Batik pri-sisen soka tonamen we i bin stat long Ista wiken na pinis long wiken bilong Me 17 na 18.

Sikispela meri na 7-pela



Ol Memnes na Weigha i kilim skin long gren fainel

man tim i pilai insait long dispela kompetisen. Ol tim ya i kam long ol wan wan haus lain insait long Wod 31 em Bige, Alolo, Nukul, Tai, Imiag na Kuade we nem Bantik i sanap antap long olgeta.

Ol tim husat i brukim bun long dispela pri-sisen em Weigha, Mix Mate, Back Yard, Black Ants na Kumuls. Olgeta i gat man na meri tim

wantaim. Gaddals em i gat meri tim tasol na Puldex wantaim Somko i gat man tim tasol.

Tim Weigha man na meri wantaim i bin kamap wanpela strongpela tim stret insait long dispela kompotisen we ol Weigha man tim i winim olgeta gem i kam inap ol i lus long Black Ants long Sarere i go pinis.



Ol BSP opisal long Tari i opim nupela basketbal fasiliti long Kuluanda.

- Wiken NSL Grand Faino (Dno) -

| Date | Time | Team A | Vs | Team B | Venue |
|------------|---------|--------|----|------------------|---------|
| 24th - May | 12.30pm | Oro FC | Vs | Gigira Morobe FC | SIK/Lae |
| | 3.00pm | Lae FC | Vs | Hekari United FC | SIK/Lae |

Ol poto na stori i kam long NRL websait



SPOTS DRO RAUN 11



ANZ Stadium

Bulldogs V^s Roosters



CBus Super Stadium

Titans V^s Warriors



Campbelltown Stadium

W/Tigers V^s Broncos



GIO Stadium

Raiders V^s Cowboys



Smiles Stadium

Sharks V^s Rabbitohs



RABBITOHS:

HUKA bilong ol Rabbitohs, Isaac Luke, bai mekim kam bek bilong em long dispela wik. Isaac i bin gat bagarap long solda bilong em na em i bin mis aut long planti gem. Dispela man Nu Silan ragbi sta i sainim nupela kontrak gen wantaim Rabbitohs, na em bai pilai wantaim ol inap long 2017.



BULLDOGS: HAPBEK bilong ol Bulldogs, Trent Hodkinson, bai mekim pilaim namba wan gem bilong em wantaim ol New South Wales Blues long neks wik. Trent em i pilai gut tru long dispela yia na i helpim ol Bulldogs long winim planti gem bilong ol.

STET OV ORIJIN LAIN AP

GEM WAN

Trinde Me 28, 2014



New South Wales BLUES

1. Jarryd Hayne
2. Brett Morris
3. Josh Morris
4. Michael Jennings
5. Daniel Tupou
6. Josh Reynolds
7. Trent Hodkinson
8. Aaron Woods
9. Robbie Farah
10. James Tamou
11. Ryan Hoffman
12. Beau Scott
13. Paul Gallen (c)

Interchange

14. Trent Merrin
15. Anthony Watmough
16. Luke Lewis
17. Tony Williams



QLD MARROONS

1. Billy Slater
2. Darius Boyd
3. Greg Inglis
4. Justin Hodges
5. Brent Tate
6. Johnathan Thurston
7. Cooper Cronk
8. Matt Scott
9. Cameroon Smith (c)
10. Nate Myles
11. Chris McQueen
12. Matt Gillet
13. Corey Parker

Interchange

14. Daly Cherry Evans
15. Ben Te'o
16. Aidan Guerra
17. Josh Papalli

Bai



Dragons

Panthers



Eels

Storm



Sea Eagles

Knights



Raun 10 Poin Lata

| Pos | Tim | W | B | L | D | Pts |
|-----|------------|---|---|---|---|-----|
| 1. | Bulldogs | 8 | | 2 | | 16 |
| 2. | Sea Eagles | 7 | | 3 | | 14 |
| 3. | Panthers | 6 | | 4 | | 12 |
| 4. | Eels | 6 | | 4 | | 12 |
| 5. | Storm | 6 | | 4 | | 12 |
| 6. | W/Tigers | 6 | | 4 | | 12 |
| 7. | Titans | 6 | | 4 | | 12 |
| 8. | Cowboys | 5 | | 5 | | 10 |
| 9. | Roosters | 5 | | 5 | | 10 |
| 10. | Rabbitohs | 5 | | 5 | | 10 |
| 11. | Broncos | 5 | | 5 | | 10 |
| 12. | Warriors | 4 | | 6 | | 8 |
| 13. | Dragons | 4 | | 6 | | 8 |
| 14. | Raiders | 3 | | 7 | | 6 |
| 15. | Knights | 2 | | 8 | | 4 |
| 16. | Sharks | 2 | | 8 | | 4 |

Hunters redi long raun 13

Isaac Liri i raitim

LUS bilong ol Hunters long las wiken egensim Norths Devil i mekim na ol i luksave olsem sapos ol i pilai egensim ol arapela tim long Australia, ol i no ken slek long difens bilong ol.

Long gem bilong ol long las wiken, ol i bin givim planti sans long Norths Devils long skoa long namba wan hap, na taim ol i bin laik kam bek strong long namba tu hap, taim i bin sot na ol i bin lus.

Kosa bilong ol Hunter Michael Marum i save olsem dispela kain pilai i no gutpela, na em i toktok strong long ol pilai bilong em long lusim dispela kain stail bilong pilai bikos em i no inap long helpim ol long win.

Ol Hunter i laikim ol sapota long lus tingting long las wiken na sapotim ol gen long dispela wiken, long wanem, ol Hunter i nidim sapot bilong ol manmeri bilong Papua Niugini long gutpela taim, na tu, long taim

no gut.

Long dispela wiken, ol Hunters bai pilai egensim ol Sentrel Kwinlan Capras. Ol Hunters i bin winim ol Capras long raun 3, tasol dispela wiken, Kosa bilong ol Hunter Michael Marum i tokim ol pilai bilong em olsem ol Capras bai pilai strong na tingting long win, long wanem, ol Capras bai pilai long ples bilong ol, na ol Hunter i no gat gutpela rekot yet long pilai na win long Australia. Long ol 6-pela gem bilong ol long Australia, ol i winim tupela tasol, na dispela wiken bai namba 7 taim bilong ol long pilai long Australia.

Antap long dispela, ol Hunters i gat gutpela rekot long pilai long Kokopo tasol bikpela samting we ol i mas wok long en, em long winim ol gem taim ol i pilai long Australia.

Long lain ap bilong ol Hunters long dispela wiken, strongpela senta, Thompson Teteh, bai no inap long pilai bikos em i kisim bikpela bagarap long lek bilong em. Noel Zeming bai kisim ples bi-

long em long senta long dispela wiken.

Lok fowod Sebastian Pandia bai no inap pilai long dispela wiken tu, long wanem, em i brukim sampela lo bilong tim.

Gut nius bilong dispela wiken em olsem, strongpela seken rowa, David Loko, i kam bek long tim, na bai pilai long dispela wiken long helpim ol Hunters long strongim difens bilong ol.

Kepten Israel Eliab tu bai mekim kam bek bilong em long dispela wiken bihain long em i sik na i bin stap aut long tupela wik olgeta.

Hunters lain ap bilong dispela wiken em 1. Adex Wera 2. Garry Lo 3. Noel Zeming 4. Thompson Teteh 5. Edward Goma 6. Israel Eliab 7. Roger Laka 8. Timothy Lomai 9. Wartovo Puara 10. Esau Siune 11. George Benson 12. David Loko 13. Adam Korave 14. Dion Aiye 15. Willie Minoga 16. Lawrence Tu'u 17. Tiger Emery 18. Joe Bruno 19. Stanton Albert 20. Noel Joel.

QRL Intrust Super Cup draw

Raun 12 poin lata

| Round 13 (24-25 May) | | |
|----------------------|----|-----------|
| Home | Vs | Away |
| Capras | | PNG |
| Norths | | Bye |
| Pride | | Wynnum |
| Mackay | | Ipswich |
| Burleigh | | Redcliffe |
| Sunshine Coast | | Easts |
| Tweed | | Souths |

| Pos | Tim | W | B | L | D | Pts |
|-----|--------------------|---|---|----|---|-----|
| 1. | Northern Pride* | 8 | 1 | 2 | 0 | 18 |
| 2. | Ipswich Jets | 8 | 1 | 3 | 0 | 18 |
| 3. | WM Seagulls | 7 | 1 | 4 | 0 | 16 |
| 4. | Devils | 8 | 0 | 4 | 0 | 16 |
| 5. | PNG Hunters | 6 | 1 | 4 | 1 | 15 |
| 6. | TH Seagulls | 6 | 1 | 5 | 0 | 14 |
| 7. | East Tigers* | 5 | 1 | 4 | 1 | 13 |
| 8. | Redcliffe Dolphins | 5 | 1 | 5 | 1 | 13 |
| 9. | Magpies | 5 | 1 | 6 | 0 | 12 |
| 10. | Bears | 5 | 1 | 6 | 0 | 12 |
| 11. | Mackay Cutters | 4 | 1 | 7 | 0 | 10 |
| 12. | CQ Capras | 2 | 1 | 8 | 1 | 7 |
| 13. | SCoast Falcons | 0 | 1 | 11 | 0 | 2 |

* Northern Pride vs Eastern Tigers postponed to Sunday 6th July

Ol spot eksen poto long wiken...

1



Poto Nicky Bernard.


2



1. Aiyo Nek bilong mi ya. Ragbi yunien eksen long Monia pak long Pot Mosbi.

2. NO KEN MUV: Gol suta bilong Sparrows wantaim bal i traim long tanim em tasol Gol kipa bilong Paramana i putim was long em long Netbal pilai bilong ol long Bisini Mosbi.

3



4



3. TROMOI BAL KAM: Sterlo Logoson bilong UNI i redi long kisim bal long lain aut long ragbi yunien pilai bilong ol long wiken long Monia pak long Mosbi.

4. DISPELA BAL YA I NO HARIM TOK: Wanpela bilong ol profesenal golf pilaia i traim pilai long PNG Golf Open long Pot Mosbi golf klap.



TUNA IN OIL

Moa oil na meat insait

Mosbi redi long Pasifik Gems, Parkop tok

Isaac Liri i raitim

PASIFIK Gems i kam klostu nau, na wantaim 13-pela mun tasol i stap bipo long dispela bikpela pilai i stat, Gavana bilong Nesenel Kapital Distrik (NCD), Powes Parkop, i tokim ol lida husat i kam long Pasifik Lokal Gavman Forum olsem Pot Mosbi bai redi long holim 2015 Pasifik Gems.

Em i tokim ol olsem ol i ken raun i go na lukim ol wok redi we i wok long kamap, na taim ol i go bek long ples bilong ol, ol i ken tokim ol pipel bilong ol olsem Papua Niugini i wok hat tru long redi long kamapim dispela bikpela pilai.

Gavana Parkop i tokim ol lida olsem sapos ol i laik painim aut moa, ol i ken go lukim Gems Ogenaising Komiti (GOC), na GOC bai amamas long toktok wantaim ol.

Em i tok Papua Niugini i laik mekim dispela Pasifik Gems i kamap wanpela bikpela samting tru, long wanem, em bai longpela taim gen bipo long Pasifik Gems i kam bek gen long Papua Niugini, na long sampela manmeri long Papua Niugini, dispela bikpela pilai i olsem wanpela gutpela ekspiriens we ol bai lukim long wanpela taim tasol long laip bilong ol.

Arapela astingting bilong mekim dispela ol pilai i kamap gut em bikos long neks yia, 2015, Papua Niugini bai amamasim 40 yia long stap olsem wanpela independen nesen. Na long dispela as, Nesenel Gavman bilong Papua i laik lukim dispela bikpela pilai i ran gut long amamasim 40 yia bilong Papua Niugini tu.

Olgeta fasiliti bilong Pasifik Gems bai pinis long mun Mas long neks yia.



AMAMAS WANTAIM WANTOK: Weigha man na meri tim i werim Wantok t-siot na holim fri Wantok niuspepa long givim long ol manmeri taim gren final i stat. *Lukim stori long pes 25.*

Featured Products

- *Treated Mosquito Nets Prevents Malaria
- * Visitect Tests for Malaria
- * Arterakine Tablets Treat Malaria (artemether & piperaquine phosphate)

Good Products, Better Prices, ikam long.

Johnstons Pharmacies Ltd

Phone 325 3185 Fax 325 0190 Email sales@johnstons.com.pg